

S P E A K E R : Lalpa in Pathian zawn chhuah ramani a, Lalpa in Pathian mit chu kum thar atanga a tawp thlengin a fu reng thin.

Question kan la nghal anga Starred Question no.21-na zawt turin Pu R.Lalzirliana i lo sawm ang.

PU R.LALZIRLIANA : Pu Speaker, Rural Development Minister chhan atan Chawngte Helipad retaining Wall siamna atan tun Sorkar thar hnuaiah hian cheng engzat nge hman anih tawh tih ka zawt e.

DR. R.LALTHANGLIANA MINISTER : Pu Speaker, kan Member zahawm tak Pu R.Lalzirliana zawhna Chawngte Helipad retaining Wall siamna nan tun Sorkar thar hnuaiah hian cheng engzat nge hman anih tawh tih a chhanna chu Chawngte Helipad retaining Wall siamna nan scheme (ruahmanna) a awm lova, mahse Chawngte Helipad panna kawng siamthatna leh retaining Wall siamna turin scheme 1998-'99 khan B.DP hnuaiah approved a ni a. Kum 1998-'99 chhungin cheng nuaih kua(9) leh 1999-2000 chhungin cheng nuaih thum a vaiin cheng nuaih 12 Chawngte Helipad approach road retaining Wall leh drain wash siamna nan B.A.D.P scheme hnuaiah pawisa sanction a ni a, He hna hi Rural Development hna a ni lova, Rural Development-in B.A.D.P scheme fund P.W.D hna na pek a execute tir an ni a. Lunglei S.E. in Tlabung P.W.D E.E. a execute tir a, an hnen atanga report kan dawn dan in 1999-2000 chhungin he hna hi thawh zawh tawh a ni tih report kan dawng.

PU R.LALZIRLIANA : Pu Speaker, zawh belhna kan Minister zahawm takin- a a chhan a kha Rs.12 lakhs helai construction of approach road to Helipad-ah hian dah a ni a. Chu chu P.W.D. hotu Lian hnen lam atanga kan hmuh, kan hriat danin landslide vangin hei hi thawh theih loh a ni tih zawhna ka siamah chuan min chhanna a ni a. Amaherawhchu, a hmun-a va kal te sorkar hnathawk mi rinawm tak te hnen atanga ka hriat danin helai hna hi thawh loh a la ni a. Tin, a Bill erawh chu lak zawh vek tawh niin an sawi si a. Chuvangin Pu Speaker, helai hna awmzia hi a dik lo em a kan Minister

zahawm tak hian min lo enzui sak thei ang em tih ka han zawt e.

Tin, pahnihna-ah chuan BADP pawisa hi Rural Development-in a pawisa an sawi chhuak a Department hrang hrangah pek a ni a. Heng Department hrang hranga pek te hian an ngaihtuah zui lo deuh niin ka hria a. A hna thawh an duh a, a pawisa an duh a, amaherawhchu, an hnathawhah hian a feed-back a tha tawk lo niin ka hria a. Hei hi tun hma aia tha zawkin tih theih a ni ang em tih ka han zawt tel duh e.

DR. R. LALTHANGLIANA

MINISTER

Pu Speaker, tuna Kan Member zahawm tak rawn sawi hi a pawimawh hlein ka hria a. Border Area Development

hnuuia kan tangka hmuh thin hi, Rural Development hi Planning Commission-in Nodal Department-ah min rawn ruat avangin kan hnenah tiang hian sum a lo kal a, Mizoram pumpui anga kan tih dana pawh hi kan chian Pu Speaker, a tul hlein ka hria a. A State huapin Committee pawimawh tak mai State Level Committee tiin a hming kan dah a, Chief Secretary hovin chu Committee chu ruahman a ni a. Chu chuanin kum khut chhunga a lo kal tur pawisa atang khan Department hrang hrangah he BADP sum hi an pe chhuak a. Nikum khan cheng Vaibelchhe riat hmuh a ni a. A Rural Development Department, a Nodal Department tak hi chuanin Vaibelchhe riatah khan Vaibelchhe thum leh tlem chauh a chang a, a bak zawng hi chu Department hrang hrang PWD-ah te, PHE-ah te Power & Electricity-ah te Department dang dangah te tiang khan kan semsawm thin a. Chu chu Border Area bik atana an hmalakna tura tih a ni a. Hemi chungchangah hian tun tuma zawhna lo kal a pawh hi kan Department atanga kan pek chhuah kan va hriatpui ni tawh silova kha a ni a.

Engpawhnise, a Department-a execute-tu Public works Department-ten report an rawn pek danah erawh hi chuan he hna hi thawh zawh tawh niin an rawn sawi ve a. Chu chu ka Department a ni chiah lova kan sawi maia kan report hmuh a kha. Amaherawhchu, nakin zel atana tuna zawhna pawimawh tak maia kha Department dangah hian kan pe anih pawhin Department hotu, kan head-te pawh hian min hriat sak sela. A hun takah Planning Commission-ah Utilization Certificate-te leh thil tih ngai thin anih avang hian Department danga kan pekte hian a hui takah kan hman dante leh kan thil tih dana hi kan lo pek luh theihna tur atan Report-in rawn pe thei thinsela tih kha hma kan lak mek a ni a, tuna zawhna lo kal pawh kha a lawmawm hlein ka hria a hma kan lo la zui zel ang a. Tin, chubakah tun hma a an tih ngai loh Commissionerate R.D. lamah hian hna tha zawka a kal theihna tur atan tiin a BADP vil hrim hrim

tur a hi tun hnaiah BAPD cell tiin Commissionerate-ah kan din chhova, heng hi an function chhoh tak tak chuan awmze neiin thil a kal thei turah kan ngai a, chu chu ka chhanna ni mai sela a tha in ka hria. (.....) Aw, helai hi chu kan lo enzui anga, amaherawhchu, a enzui tur ai mahin Pu Speaker, PWD lama kan pekte a ni a, amaherawhchu, anni lampangte nen kan lo in berawn anga, anni hnen atanga PWD lam atangin Report a kimchang leh zual nei thei turin hma kan lo la dawn ania.

PU NIRUPAM CHAKMA : Pu Speaker, zawh belhna. Hei hi ka Bial a ni a, PWD kutah pek anih chuan Utilization Certificate R.D-ah an thehlyt tur a ni. Engati nge tun thlengin an thehlyt lo em ni. Tin, Department hrang hrang BAPD hna thawkte R.D. hi a ni a, chuvangin Utilization Certificate zawng zawng kha R.D. Department-ah BAPD Cell-ah thehlyt tur a ni ang. Chu chu an la thehlyt lo em ni ?

Tin, cheng nuai 12 a zo hman tawh anih chuan enquiry lak a ngai ang. Khawngaih takin lo ti rawh se. Minister zahawm tak hian chu chu kan ngen duh a ni, a la thei ang em ? Khawngaihin Minister-in min hrih thei ang em ?

DR. R. LALTHANGLIANA : Pu Speaker, nichiaah khan ka chhang tawhin ka hria a, a Department execute tuten thil awmdan dik tak kha kan ti chhuak turah ngai ila, mipui ah pawh kan hotuten kan hriat a pawimawhin ka ring a. Chulovah chuan nichina Pu Nirupam Chakma, kan Member zawhawm takin a sawi kha Utilization Certificate kha a pawimawh hle a. Kha kha Department kan pek thin a khaikhawmtu kan nihna laia report pek ngaihna kha a awm thin lova, hei hi chu kan zavaia ngaih pawimawh atan pawh kan sawi chhuak duh hrim hrim a ni.

S P E A K E R : Starred Question No. 22 na zawt turin Pu J. Lalthangliana i lo sawm ang.

PU J. LALTHANGLIANA : Pu Speaker, Starred Question No. 22-na Relief & Rehabilitation Minister zahawm tak chhan atan ka zawt e.

(a) Kumin January 2000 atanga September, 30.2000 inkar hian silpauline engzat nge sorkarin a lei tawh ?

(b) Tunge Suppliers hming ?

S P E A K E R : Chhang turin Pu Lalrinchhana Minister in-charge i lo sawm ang.

PU LALRINCHHANA MINISTER : Pu Speaker, a chhanna chu hetiang hi a ni.

(a) Kumin January 2000 atanga September, 30. 2000 inkar hian sorkarin silpauline 9400 a lei tawh.

- (b) 1) Floria Glamour,  
2) Lalngura Vaivakawn,  
3) Malsawthangi Chaltlang.  
4) Thansangi Chaltlang.

PU J. LALTHANGLIANA : Pu Speaker, ka han zawhbelh duh a chu, silpauline hi a tangkai em em mai a, Aizawl ah te chuan, nikum lam ai kha chuan kumina kan supply hi a quality te pawh tha zawkin ka hria a, churang chuan a suppliers hming te pawh kan hre duh a, ka han zawt kha a ni a. Tuna ka zawh leh duh chu a rate hi engzat nge tih leh suppliers te hi Government approved supplier an ni vek em ? tih ka han zawh rualin, a dang keini ang thingtlang Bialtu MLA te hi a bik takin keini District Headquarters chu Mamit a ni a, a tlangpuin silpauline te hi D.C. hnenah allotment an pe a. Mamit-a allotment mamawhte ka bial amite han ban tur chuan, hmuh dawn leh dawn loh pawh hre lo, a hla lutuk a, churang chuan Bialtu BDO-ah te hian tam zawk pek theih a ni ang em ? tih leh MLA te pawh hi ka hriatsual loh chuan pariat min pe ve a, kan bialah khaw 32 a awm a. Hmun li a thena hmun khat (1/2) a in daih tawh a ni hial a. Khawtinah pakhat pawh pe dawn ila, hengte hi tih tam deuh dan a awm lawm ni ? Thingtlang atangin kan hnenah an lo kal ve a, kan han ziaak ve a.

Mamit a kal tur tih a ni ta a. Silpauline pakhat vangia. An hmuh dawn leh dawn loh an hre bawk silova, chuang chuan hetiang ang bial harsa zualah te chuan MLA te hi min pe tam hhei deuh lawm mawni le? tih te kan zawt tel duh bawk a ni.

PU H.LALTANPUIA : Pu Speaker, hei Suppliers 4 a rawn sawi lang a, ka hriatna a sual loh chuan Floria Glamour te chu Dealership dik tak nei an niin ka hria a, mahse a dang 3 - Pu Lalngura leh Malsawmthangi leh Thansangi te hian Dealership Certificate an nei ve reng em ni? Nei lovin he Silpauline hi Supply theihna dan Sorkarin a nei em ni? Government Approved supplier an ni reng em? tih te kha kan zawhbelh duh a ni e.

PU LALRINZUALA : Pu Speaker, Silpauline hi engatan nge kan tih ber? Engatana hman nge anih tih kha kan zawt teh ang.

PU LALRINCHHANA MINISTER : Pu Speaker, Silpauline hi Size-2 a lei a ni a. 70 gsm chi hi Rs.749/- zel a ni a, 90 gsm chi hi Rs.925/-

hisapa lei a ni. Silpauline sem chungchangah hian thla 2 emaw lek ka la kalpui a, Silpauline Minister emaw, Director emaw, D.C. hrang hrang emaw ina kan sem theuh chuan a fel dawn lo a. Tuna kan kalpui hnuah chuan District tinin Allotment an rawn dil anga, District-ah Allotment kan pe chhuak ang. District Allotment chu D.C. ten an officer te hmangin mipui mamawhte hnenah an sem chhuak ang tiin tunah hian kan kalpui a ni. Mahse, MLA ten ka bialah hhil bik a awm emaw, ka bial ah chutiang mamawhna chu a awm a, ka kal dawn a, chumi atan chuan a mamawh puhrukna turin engemawzat min pai thei em an rawn tih na na na chuan engemawzat te hi sanction a ni bawk thin a ni. Chu chu tuna kan kalpui dan hi a ni a. Hei hi a tha ber dawn em? tih erawh chu kan en tlan zel pawh a tha in ka hria a. Tichuan District tinah sem zai zel a ni a, District tina sem dan chi hrang hrang pawh hei kan hotuten an ziak chhuak a, amaherawhchu, a vai chuan sawi kher lo mai ila.

Tin, supplier chungchangah Khanin Floria Glamour te hi Sorkarina a approve te hi an ni. Amaherawhchu, vawi khat lai kha ruahsur nasa avangin Silpauline Demand sang deuh mai a awm a. Chu

chu a supplier te hian an nei daih lo a ni. An neih daih loh avangin anmahni hminga an neih daih lohna kha supply an phalsakna azarah Lalngura, Malsawmthangi leh Thansangi te hian an lo kawl ve bawk si avangin he supply hi an pe ve a ni. Chu pawh chu Floria Glamour te remtihna hmanga thil tih a ni. Chu chu midangho supplier rawn lan ve na bul a ni. Tin, Silpauline sem chhan hi engnge ni kan tih chuan hemi Natural Calamity thil engpawh tui lian, leimin, lirnging avanga chhiatna te heng hrang hrang a lo awm a, chumi laka invenna tur, chumi ina thil a tihchhiat zui zel lohna tura invenna tur atana heng Silpauline te hi buatsaih a ni. Tunah pawh hian lirnging te hi Mizoram leh N.E. ah hian sawi lawkna a awm avangin hemi atan hian District tinah Silpauline pawh engemawzat security atan vawn a ni. Hetiang hian ruah a lo sura, In hmun leh In min hlawhawn a lo awm a, chung khuhhulna tur te khatiang ang hrang hrang khan Silpauline hi buatsaih a ni.

Amaherawhchu, Pu Speaker, Silpauline hi ka luh tirhin heti khawp hian Silpauline kan lei a, kan sem a, a sawt em ? tiin ka zawt a, a tangkaina laia hman hi chuan a tangkai em em mai a, amaherawhchu, a hna tur anga thawk hi majority a tling lo, tih hi hmuah dan a ni a. Chu chu anih avangin engtinge a hna a thawh theih ang, chung chu uluk zawkin kan ngaihtuah a va hun em - kan ta a, a hmasa bera measurement kan lakna ah chuan District authority ten D.C. ten sem in, a hmunah enfiiah zelin chu chu Directorate leh Secretariat te pawhin a tui ngin check sela, anmahni tawkin Directorate leh Secretariat lamin lo pe lo phawt mai rawh se, tichuan measurement i la phawt ang, kan tih a, chutiang chuan kan kalpui a ni. Nakum lam zelah engtin nge kan tih ang tih hi chu hmalak zel dan tur hi ngaihtuah ngai mekah kan dah a ni.

S P E A K E R : Starred Question No.23-na zawt turin Pu R.Lalzirliana i lo sawm leh ang.

P U R . L A L Z I R L I A N A : Pu Speaker, Starred Question 23-na Horticulture Department Minister chhan atan -

(a) Horticulture Department hnuaiiah kumin 2000 chung hian Go-down sak a awm em ?  
(b) a awm anih chuan eng khua ah te nge in chu sak a nih? tih ka zawt e.

PU ZORAMTHANGA  
CHIEF MINISTER

: Pu Speaker, zawhna (a)-na  
Horticulture Department  
hnuaiah kumin kum 2000  
chhung hian Kudam sak a

awm em ? tih kha a chhanna chu - awm e, tih a ni a.  
(b)-na a awm anih chuan khawi khua ah te nge in chu  
sak an nih tih kha - Dampui, Cherhlun, Thingsai, Darzo,  
Sangau, South Vanlaiphai, Rulchawm te hi thuhmun deuh  
a ni a, Mualpheng nen, mahse Mualpheng lamah hian a  
remchan zawk avangin Rulchawm ami pawh hi dah a ni.  
Keifang, Lungpho, Khanpui, Ruallung, N.Vanlaiphai,  
Khawzawl, Teikhang, Ngopa, Kawibem, Ngur, Khuangleng,  
Dungtlang, Leisenzo, Leithum, Biahte te an ni e.

PU R.LALZIRLIANA

: Pu Speaker, ka bula MLA  
hian Sangau ah hian Alu  
an ching silova, Kudam kha  
an sa ringawt mai a a ti a.

Tin, Rulchawm te pawh ka zawhna chhan tak a ni, mahsela  
Mualpheng ah khan in lo sawn anih chuan a tha ah ngai  
ila, engpawhniselangin, 22 laiah Alu Go-down sak a ni  
a. Rs.33300/- man vel a ni a. Hei hi a vai chuan kan  
belhkhawm ila Rs.8,00,000/- man vel dawn lai a lo ni  
ta a, asset siamna pawimawh tak, asset siamna tham niin  
ka hria a. Vawiin nia Alu Godown in sak dan a hi chu  
Pu Speaker, Dap Bang, Thingtual tak tak Banah an hmang  
a, a chung Di a ni a, kumin bak hi a din ka ring lo a  
kei chuan. Heng hi tul lo a duhsak zawngte pawisa in-  
pekna, a cash a sem ngawt ai chuan ti-a sum inpekna  
mai mai niin ka hria a, sum leh pai kan harsat dan ka  
en hiah kan ram tan chhunzawm tlak loh tak niin ka hria  
a. Wichuan ka han zawhna taka chu heng Go-down in sakna  
hmun, khua-ah theuh hian Alu kumin chhung hian engzat  
nge thar a nih? Khawi khua hian nge heng Go-down hi  
Alu dahthat nana hmang tak tak tih leh heng Go-down te  
hi kum engzat daih tura ruahman nge a nih ? tih ka han  
zawt-belh e.

PU ZORAMTHANGA  
CHIEF MINISTER

: Pu Speaker, thar ni a tih  
a kha chu a information  
ka nei mai lova, nakin lamah  
office lamah minrawn zawt

sela, tahchuan kan lo en anga, a number a kha chu kan  
nei thei mai lo a. Alu tharna leh khang number a kha chu  
kan pe thei ang a.

A Go-down sak hi temporary  
a ni lo thei lo a, a chhan chu entirnan- Buh tharna tur  
Leilet awmna hmunah chuan kumkhua in ti mai ila, Buh kha  
a pangngain a thar reng dawn a, khami base khan thil

dang a connect-na, Go-down a ni emaw, thil dang emaw kha sak lo tul ta se, a rem a. Alu hi chu tunah pawh hian engtin nge permanent a tak zawka a hmun hi siam anih theih ang ? tih a hi tuna kan kal pui lai mek a ni a. Entirnan- khaw thenkhatah chuan Alu hmun tur an han siam a, chu chu a ram a kha a zawh chuan neih tur a awm tawh loh chuan a kum lehah khan chin loh a ni tawh mai a. Chuvangin permanent nghet lutuka hemi building tha pui puia han sak kha a thenkhatah chuan a lo rem lova, tunah chuan emergency deuh pawh nisela, saw lama intodelhna-ah Alu hi phai lam ami kan lak chhoh vak vak avangin hemi hi kan lo do let a, keimahni kan intodelh theihna turin a theihna ang angin kan thing-tlang mipui tena an phak ang chinin ching sela, chumi an lo dahthatna tur chuan a nghet pui concrete a ni emaw, permanent structure tha man to emaw kan tlin rih loh pawhin singthum man bawr velin mipuiah a phurhna leh kan lo puih theihna chinah Department-in hma i la phawt ang kan ti a, tha tak taka Rs.30,000 vel te chuan han sak ngaihna a awm lo reng a. Nimahsela, eng-emaw an dahkhawmna tur tal kha a tul si avangin a chhe deuh anih pawhin kum 2 or 1 a lo tih theih dawr dawr pawhin chumi chhungin remchang zawk pawh a awm zel ang chu tia, hei chu temporary arrangement a kan siam a ni a.

Tin, chumi thuah chuan Pu Speaker, kan Member zahawm tak ina zawhna a rawn siam ang khan hma lak kan tum danah hian Alu te pawh Jhuming Cultivation anga kum tin anga chutia vat leh a, pem leh a, khatiang system-a kan kal chuan kum 2 ori kalpui mah ila, ramin min daih chuang dawn lova. A ngheta kalpui dan a ram a kha identify-a chutiang chuan, helai ihi chu a nghet chiang hmel ta e a, kan ti a, Go-down pawh ngialnghet deuh hleka sak kha kan tum a ni.

Tin, hmun thenkhatah chuan sa turin kan han tia, mahse, Alu kha a lo tam vek a, ruah tam luattuk vanga puitling zo ta lo te pawh a awm a. Chungah chuan Go-down sak tura kan tih te pawh kum in lam atan chuan sak awmze nei lo te anih avangin, khawi zawkah nge kan tih tak ang tih pawh kan nei nual reng a ni e.

PU K,L,LIANCHIA

Pu Speaker, pakhat chauh-Hei hian Alu chinna deuh ah chuan Kudam kan siam a ni a. Tun hma pawhin mahni in an ching a, an hralh mai thin a, tunah hian Sorkar hian Kudam te an siam tak ah hian a market, a hralhna hi Sorkarin a tum sak dawn in leh heng Kudam-a rawn dah tur hi sorkar hian a lo lei sak dawn em ? A Market



te hi Sorkar hian a ruahman sak reng em ? A chinna ramah Kudam an sa ta chu a ni a, ka bialah pawh in dah a, a lawmawm viau a, Kudam han hmanna awm chu ka hmu hauh lova.

Zawhna pakhatna ah chuan heng Kudam dah tur hi sorkar hian a enkawl sak in Chowkidar te in dah sak anga, Sorkar hian a lo lei sak dawn em ni ?

Pahnihna ah chuan - Heng Kudam han sak maina thenkhatte kan han ngaihthlak hian a Alu lam leng vak lo khan a Kudam Contract lam hi kan tui zawk a ni mai lo maw ?

PU R.LALZIRLIANA : Pu Speaker, Pu Chia zawhna kha ka rawn sawi tum a ni a. Chumi bakah chuan cheng sing thum lai hi amount a ni a, an sak hi a chhe lulai hlawm a, a tlangpuiih MNF Unit hotute sak a ni hlawm a. Chu chu kan sawi tel duh a, tin, nichina ka zawhna kha khawi khua hian nge heng GO-down hi Alu dah nan hmang ? A thar zat ni lo, a hmang tak tak kha ka hmu lo a, Khawbung bialah ka han kal a, Alu GO-down an lo sa thluah mai a, samthang ah a chin tamna ber nisi, an sa si lova, kang kha a mak ka ti khawp mai. A tlangpuiin an sakna hi khawpawm lam a ni a, Dai pawnah khar va dah ringawt sela, Chowkidar an awm bawk silova, Tala kalh theih bawk si lo, luah ngam a ni lo hrim hrim a. Khawi khua in nge Alu dah nan hmang tawh ? tih kha a chhan theih em ?

PU ZAKHU HLYCHHO : Pu Speaker, zawhna pakhat kuminah hian Horticulture Department hian Alu chi hi Quintal engzat nge a sem chhuah?? A sem chhuah zat hi a lo thar lo mai ange. Chuvangin a sem chhuah zat min hrih thei ang em ? Tin, engzat nge an thar tih te pawh min hrih thei em?

PU ZORAMTHANGA CHIEF MINISTER : Pu Speaker, a in connect lo deuh a ni, Number a ni si a. Khalam kha chu office lamah min zawt mai ula, ka lo inbuatsaih lam a ni law, Alu Go-down lam a ni a. Chuvangin a chi sem chhuah zat leh a thar chhuah lam zat kha hemi supplementary lamah khan an lo inring lova. Kha kha chu nakinah kan lo pe mai anga, tin, a Kudam ah khan a then chu kan han sakna ah pawh mipuiin keimahniah Kudam min rawn sak ula, hei kan ching dawn e an ti a. Khatia an rawn inbeiseina ah khan anih

leh chu chu hetah hian possibility thil tih theihna, thar chhuah theihna hmun remchang an nei a, i sa ang hmiang tiin Department-in kan han identify a. Amaherawh-chu, keini pawh a chi hi kan duh ang tawk kan hmuh theih loh lai te, mipuiin an lo hmuh theih loh lai te leh harsatna dang avangin a then chuan tih thamin an lo ching lova. Kudam kha utilise tak tak lohte pawh a awm nual reng a ni. Chuvangin, hei hi chu trial basis tak takin a ni a. A tirah Kudam kan nei lova, an han thara, dahna an duh si a, in luah hawh tur kan nei bawk silova. "Silpauline tal min pe ula, temporary-a kan dahna tur min siam sak rawh u", an ti a, an mangang khan min rawn tur a. Chuvangin, temporary-a an dahna turin engemaw tal chu in khawr sak ang u ti chauh kan ni reng a. IAY ah pawh hmeithai in ang deuh thaw a sakna tur Rs.20,000 leh tiin kan tih a nia. Rs. 30,000 leh tih a Kudam sak kha chu that ngaihna chu a awm lo reng reng a. Temporary measure tak tak a, a chung zar ai leka kan siam a ni reng a ni. Chuan chu lo chu chhan loh ka nei em ?

PU R.LALZIRLIANA : Pu Speaker, zawhna tak te kha khawi khua hian nge heng Go-down hi Alu dah nana hmang ta tih a ni a.

IAY te nen kha chuanin tehkhin chi pawh a ni lo. IAY-a In sak te hi chu kum 20 te an luah a ni, hmeithai te hian. Hei hi chu kumin pawh hi a ding lovang.

PU ZORAMTHANGA : Pu Speaker, Silpauline CHIEF MINISTER Kaih pharh a, a bang dap mai mai tal in min rawn tih sak rawh u tih chu

mi substitute-a tih sak kan ni a. Kum khua-a chenna tur atana tih a ni lova, IAY ka sawi na chhan chu Hmeithai in sak nan cheng sing tel a ngai a, chuvangin sing 2/3 thum chuan thil lian, thil tha a siam theih loh tih chu kan hre vek ang. Chu chu ka rawn sawina mai a ni. Amaherawhchu, khawi khua in nge, eng ah chiah in nge hmang a, hmang lo tih chuan chu chu office lam ah ka lo pe ange. A tlangpui thu in a market hi Aizawl ah leh Lunglei ah te.... sanction target a ni a, sorkar in lo lei sak a, sorkar hi a sum dawnga tan hi a buai-thlak em em a, kan sawhthing lei leh thil dang atangin kan hria a, chuvangin, involve loh hram hram kan tum a. Chuvangin, hetah hi chuan kan involve lova, a leina leh a hralhna ah, mahse a phurh tanpuitu tur atan erawh chuan Motor arrangement lo siam sak tu te, a theih anga subsidy lo tih te chutah chuan kan tang a, public lo lei sak a lo hralh sak tu ah erawh chuan a sumdawng a awm erawh chu kan ti lo, a mipui te leh a dawrkai hralhtu te inkarah.

S P E A K E R : Starred Question 24-na  
zawt turin Pu H.Rammawi  
i lo sawm leh ang.

PU H.RAMMAWI : Pu Speaker, ka zawhna  
Question No.24-na (a), (b)  
(c) (d) (e) leh (f) ka  
zawt e.

S P E A K E R : Chhang turin Minister in-  
charge Pu Rualchhina i lo  
sawm ang.

PU RUALCHHINA  
MINISTER : Pu Speaker, kan Member  
zahawm takin-a a zawhna  
kha a awm diat a. A indawt  
in han chhang dawn ila.

Phawngpui National Park khi phul a tam avangin tun hma  
in March leh April thla velah a kang thin tih sorkar in  
a hria em tih kha a zawhna (a)-na a ni a. A chhanna-ah  
chuan 'hria e' tih a chhan a ni.

Tin, (b)-na hria nise fire  
line cutting fund pek a ni em ? tih chu, nilove kumtin  
hian fund pek kan ni lo a ni.

Tin, (c)-na kumtin pek ni  
ta lose enge a chhan ? hei chu sawi tam ngai lovin sum  
harsatna avangin sorkar a awm a. Chuvang chuan hetiang  
thil ah hian pek theih loh a ni thin a ni.

Tin, (d)-na heng a hnuaiia  
mite tan hian Eco-development Scheme hnuaiia Central  
atangin Fund 1998-1999, 1999-2000, 2000-2001 tan engzat  
theuh nge sanction anih a ti a. Tah chuan Number te leh  
chhawng (i) Dampa Sanctuary 1998-99 ah khanin 10.50  
lakhs a ni a, (ii) 1999-2000 ah chuan 14.70 lakhs a  
ni a. Tin, 2000-2001 ah chuan 17.10 lakhs a ni a. Heng  
hi expediture sanction kha sorkar atangin tih fel  
chiah a la ni lo nghe nghe bawk a ni.

Tin, (d)-na (ii)-nate Ngeng-  
pui Sanctuary-ah hianin kum 1998-1999-ah hian Rs.2.00  
lakhs sanction hmuh a ni a. Tin, 1999-2000 ah hian  
Rs.8.00 lakhs hmuh a ni a. Tin, 2000-2001 atan Rs.12.20  
lakhs fund hmuh a ni bawk a ni. Tin, (iii) Murlen  
National Park atan hian 1998-1999 ah Rs.1.329 lakhs vel  
hmuh a ni a. Tin, 1999-2000 ah chuan Rs.11.95 lakhs,  
tin, 2000-2001 atan Rs.14.90 lakhs fund hmuh a ni a.

Tin, Phawngpui National Park (iv)-na 1998-1999 ah Rs.10.50 lakhs, 1999-2000 ah Rs.8.90 lakhs, tin, 3-na 2000-2001 atan Rs.13.50 lakhs. Tin, Khawnglung Sanctuary atan 1998-1999 ah hian hmuh a awm lova, tin, 2-na ah 1999-2000 ah chuan Rs.10.55 lakhs hmuh a ni a. Tin, kum 2000-2001 atan Rs.18.00 lakhs hmuh a ni bawk a ni.

(e)-na Phawngpui National Park atan Eco-Development Fund Central atangin - 1-nate a awm leh a, 1998-1999 atan Rs.1.3 lakhs sanction a ni em ? tih chhanna ah chuan, Ni e, amah'rawh-chu, hei hi hman a ni lova, State Sorkarin pawisa a harsat hrih avangin hei hi release a la remchawng rih lo a ni. Tin, 2-na ah chuan 1999-2000 atan Rs.8.9 lakhs sanction a ni em ? A sanction pawisa kha dil mek a la ni a. Tin, (f)-na zawhnaah chuan sanction nise engvangin nge hman anih loh ? Hei hi chu chhan ngai lo ang a ni ta a. State Sorkar atanga Financial Approval nghah mek anih avang a ni, kha kha tuna kan han chhan theih rih chu a ni e.

PU H.RAMMAWI

:

Pu Speaker, zawh belhna National Park Fund reng reng hi chu sanctuary a ni emaw, Central atanga

lo kal a ni a. Central atanga sanction a ni a, 1998-99 amite tuna kan la hmang lo anih chuan kum ami pawh kan la hmang lova, kumin ami pawh chu an rawn release leh tep tawh ni te pawhin a lang a. Hei hi pawl deuh mai a ni a, hemi fund against hian hemi Park Area te, Sanctuary Area ah te hian project an lo nei a. Entirnan-Phawngpui tlang dungah chuan Tlaizawng Par a tam a, a chi an kui tiah tir a, hetiang anga tanah hian an kui tiak teuh mai a. A pawisa kha vawimni thlengin pek a la ni leh silova, khatiang ang khanin kan officer te pawh a hming a chhia a, public khatiang a chi kui-tiaktute pawh khan harsatna an tawh phah a, chutiang ang te chu a ni a.

Tin, chubakah Fire Line Cutting a hi keimahni State pawisa a ni lova, a tul zia kan mamawh zia a pawimawh zia Department hian Central-ah hian an flash Chiang lo a ni lo maw. Chiang takin flash sela, Pu Speaker, pawisa hi an harsat kan ring lo. Phawngpui tlangah hian khawvela Sava vang pakhat Vangaijan tih hi a awm a, chuvang chuan Central lam hian an ngai pawimawh em ? India ramah chuan hei chauh hi, Asia-ah pawh pahnih khat bak a awm lo a ni. Chuvangin Phawngpui tlang hi an ngai pawimawh a, amaherawhchu, phul a ni a, Fire Line Cutting ber a hi an ven tur ber chu niawm tak a ni a. Hemi atana sum a awm bawk si loh chuan a enga chu nge an ven ang le ?

Fire Line Cutting Pawi-  
mawh zia hi Department hian Central hi an hrilh chiang  
lo em ni ?

Tin, 1998-99 amite, kum  
2 kal ta a nikum ami nen vawiin ni thlenga release  
loh tlat mai, Central atanga release tawh asi, helaia  
hman loh hi kan Minister hian a hria em ka hre lova,  
Department dang hian hmun dangah an divert a ni lo  
maw ?

PU J.LALTHANGLIANA

Pu Speaker, Phawngpui  
National Park khi nikum  
March thla khan ka va  
tlawh ve a... Phul pheh  
chu a lo kang zo vek a, a kang zo thei zawng zawng  
chu a kang zo deuh vek a ni.

State dang National Park  
te chu kan luh dawn hian min Check thin a, mahse,  
Phawngpui National Park-ah chuan tumah min Check  
reng reng lo a. Mi kan tawh duah duah a, tute nge  
maw ni le ka tawh min chhanna chu Khawchhakho an  
nih kha, khangho khan alawm Phawngpui tlanga Nauban  
tha la zo tu chu an ti mai a. Chutiang chuan Phawng-  
pui National Park saw ven that loh a ni a.

Kan zawhna chu sawng ai  
sawn kan veng tha thei deuh dawn lawm ni ? Entirnan,  
Nauban tha zawng zawng ruk bo a ni tawh a, tin, kum  
tina a kang ringawt mai saw measure chu lak ngai niin  
ka hria a, Minister zahawm tak kha ven that deuh tum-  
na a awm em tih ka zawt e.

Tin, Dampa Sanctuary hi  
ka bial lam a nia, Economic Development-ah hian pawisa  
te kan beisei ve thin a, scheme-ah hian pawisa hi  
kan beisei ve thin a (Speaker: A zawhna lai turah  
khan lut nghal thei la) Hemi fund a hi hemi Dampa  
Sanctuary hi release loh a nitih khan a sawi a, he-  
tiang fund hi release mai theih dan a awm lawm ni ?  
Chutilochuan, khu, an mangang khuan min ruk sak min  
ruk sak mai a. Hengte hi anmahni a sira cheng a te  
khu inhlawhfakna a siam theih lawm ni ? tih ka zawt  
belh e.

PU K.L.LIANCHIA

Pu Speaker, nichina zawt-  
tu khan Phawngpui National  
Park atana sanction te kha  
hman a ni em ? tih kha a

zawt a, hman loh a ni thliah thliah mai a. Ka han zawh belh a chu, hemi Dampa Sanctuary, Ngengpui Sanctuary, Murlen leh Khawnglung Sanctuary-ah te pawh hian sanction a awm ta vek a, hengho te hi chu hman a ni tawh bik nge ? nge hman loh in a la tlingkhawm vek mai ?

A pahnihna atan, hetiang a sanction a kum thumna kan hman tawh mek laia khatianga hman loh a la awm ta cheu mai kha Central Sorkar hian a hria em ?

PU ZAKHU HLYCHHO : Pu Speaker, zawhbelhna, kan Minister zahawm tak thu sawi kha a chhanna kha ka lo zia k a, ka zia k dik em ka hre lova, Phawngpui National Park atana Eco-Development fund Central atangin 1998-99 atan nuaikhat singthum kha hmuh a ni em ? sanction a ni em ? a ti a. Ni e, hman erawh chu a ni lo a ti a. A sawi zelna ah Khan State Sorkarin pawisa a neih loh avangin a la release thei lo a ni a ti a, hei hi khil serious tak, Pu Speaker, 1998-99 sanctioned tawh, vawin thlenga State sorkar pawisa neih loh vanga la release loh nih hi a zahthlak hle in ka hria a. Tin, hei hi khawiah nge an divert tih hi Speaker hian sawi law law teh se. A pawisa khawiah nge an hman ? An hmanna sawi law law sela. 1999-2000 ah pawh 8,90,000 kan hmu e a ti a. A pawisa pawh hi 2000-2001 atan kan dah a ti leh a, chutiang dah chu Sorkar hian a phal reng em ? Bank-ah a punga lak turin an dah em ni tih ka zawhbelh a ni.

PU RUALCHHINA MINISTER : Pu Speaker, Phawngpui National Park saw a mawi baw k a, pawimawh kan ti tlang a, kan ngaimawh hi a lawmawm e. Fire Line Cutting kan tih kha harsat chang a awm a, sum a awm loh hian a thawh hleihtheih lova. Tunah hianin Fire Protection Scheme kan neihah chuan 7,000,0333 in kan siam a. Tun February ni 14 Khan Central-ah kan theh lut nghe nghe a, kan bawh-zuina ah pawh tawngkam chuan min chhang tha viauva. Mahse, sum engangin nge min pek theih ang tih erawh chu kan la hre leh lova. In hmu mai ang min ti reng a, min la pe lova, tuna kan scheme kha kum 10 atana tih a ni a. Chu chu kan hriat hnuhnunah chuan N.E. State (NEC) Fund atanga pek chhuah tur khan an Recommendation niin kan hria , pawisa chu an la Release chuang lova.

Tin, hetiang a harsatna kan tawh hi Central hrih loh em ni kan tih chuan hrih loh theih a ni lova, sum reng reng kha hman loha a lo awm pawhin kan harsatna hrih loh theih a ni lova. Tin, a hun leh tur re-valid date tur te in dil te pawh a nive thin a ni. Ka hriat ve chinah chuan diversion engmah awmin ka hre lo. Tin, Far-Park-a mi kal vel kha check ngun loh avangin thil tam tak a pilril niin Member pakhat kha a rawn sawi deuhva..... (98 a pawisa la hman loh tih kha a ni ka zawhna chu) la hman loh kha chu a awm hrih mai aniang chu. Ti-chuan Far-Park-a kal te check ngun loh kha chu tan la turin kan la fuih ve a, theih tawp chu an la ve a ni. Tun hma kan hriat thin ah pawh Phawngpui tlang atangin Nauban te an hawn tam a miteh an ui thin em em a ni. Chu pawh tuffah hi chuan theih tawp chhuahin tan ka la a ni.

Tin, Dampa fund relief chungchang pawh kha Eco-Development te a lo kal a kan hria a, hna te pawh kan thawk nual a ni. Amah-erawhchu, kan sawi tawh angin tunah chhanna kan pek hunah tihian khami share kha engemaw china sum harsa tur avangin kan released loh anih avangin expenditure te pawh tihfel lohvin a la awm a ni. Chuvangin engemaw chenah chuan kha kha kum engemaw zat atanga State Sorkarin sum harsatna kan tawhavanga harsatna kan tawh a ni. Hemi thu ah pawh harsatna kan tawh a ni tih a Chiang a. Tunah hian kan Sorkar atang hian remchang nisela chuan Central Sponsored Scheme Fund kan neih reng reng, a matching share kan tih hi tih ve zung zung nisela chuan hma pawh kan sawn chak leh zualin ka ring a. Amaherawhchu, khati khawpa sum ba thlawn tam lutuk nei kan nih avang khan insum a ngai bawk si a ni.

PU H.RAMMAWI

: Pu Speaker, Central-in an rawn released tawh a ni e. He zawhna ka zawh na chhan hi Pu Speaker,

Phawngpui tlang Fund hmanah nuai 1 leh sing 3 vel chiah chiah ei ruk a ni a, chu chu he House-a kan sawi chhuah avangin a changtu Director pawh kha penalty pek a niin, suspend a ni zui ta nghe nghe in ka hria. Ama sawi danah phei chuan ka dam chungin he thubuai ah hian ka fihlim ka ring lo, a ti hial nghe nghe a ni. Chutiang ang a awm leh ka hlauh vang a ni a, a figure nen ka rawn zawh theih-na chhan hi sanctioned sa, a awmsa anih ka hriat vanga rawn zawt hi ka ni a, hman lohna chhan a kha dah that tur a ni lova, dah that atana an rawn sanctioned a ni lova. (Speaker; A chhang Chiang e, pawisa release a ni lo a ti a, Starred Question No.23-na zawt turin Question neitu ko ang.

PU K.T.ROKHAW

: Pu Speaker, ka zawhna  
Question NO.23-na ka zawt  
e.

PU AICHHINGA  
MINISTER

: Pu Speaker, Member zahawm  
tak Pu K.T.Rokhaw zawhna  
(a)-na Ration buhfai aia  
Dawr buhfai tlawm leh tha  
zawm aww hi engnge a chhan ? tih a ni a.

Chhannaah chuan tun hma  
atangin dawrah hian Ration buhfai aia tha zawm leh man  
tlawm zawm hi chu a awm reng thin a. Chu chu tunah  
hian engvang nge a awm chhan tih hi Department atang  
chuan sumdawngtuten an zawrh vang ni berah kan ngai  
mai a ni.

(b)-na Ration buhfai hi  
tlawm zawm a, mipui leitir theih dan a awm lo em ni ?  
tih a ni a. A chhanna chu Central Sorkarin buhfai atan  
a pek thin subsidy a pek tak loh avangin buhfai man hi  
a lo sang ta a mi a. Subsidy hi pek leh a nih a, Cen-  
tral sorkarin rate a ti hniam leh a nih loh chuan a  
aia tlawma pek dan a awm rih lo a ni, tih hi kan chhan=  
na a ni e.

S P E A K E R

: Awle, kan Question hour  
a tawp ta. A dawtah kan  
kal leh anga, Deputy  
Speaker Election a ni a.  
Hemi chungang thu ah hian thu han puan tur ka nei a.

Tunah chuan kan business-  
ah Deputy Speaker Election-ah kan kal zel anga, hemi  
atan hian ni 9.10.2000 dar 3:00 P.M. thieng Nomination  
File theih a ni tih kan Rules of Procedure and Conduct  
of Business Rules-a rule no.8(2)-in a sawi angin Bul-  
letin-ah chuan tih chhuah a ni tawh a. Chutiang chuan  
hun tiam chungin Deputy Speaker atan Nomination pa-  
hnih hmuh a ni a. Chunga nomination te chu hun tiam  
chhunga tih a niin, a nominate dan pawh kan rule-in  
a sawi ang chiah a tih a ni. Nomination kan hmuh te chu  
Pu Sanghmingthanga H.Pautu-in Pu Lalthan Kunga a nomi-  
nate-na a ni a. He nomination hi Pu C.Sangzuala'n a  
second a; tin, nomination dang leh chu Pu H.Laltanpuian  
Pu Vanlalhlana a nominate-na a ni a. Pu F.Lalthanzualan  
a second a, chuan heng nominationte hi a valid ve ve  
a, churang chuan wawin hian inthlanna kan neih a ngai  
ta a ni. Wawin hian hna kan ngah hle a, churangin he  
inthlanna hi kan ti thuai thuai anga, tunah chhuak  
lovin vote kan thlak anga. Vote chhiar chhung pawh rei



a ni lo anga, kan nggak hram hram anga, darkar chanve (1/2) chhung chuan inthlanna hi zawh fel a, a result pawh puan theih kan han beisei deuh a ni. Election chu kan Secretary kutah kan dah anga, han buaipui sela, tih dan tur leh tul te han puang bawk rawh se.

ELECTION OF DY. SPEAKER

S E C R E T A R Y : Pu Speaker, ka lawm e.  
MIZORAM LEGISLATIVE Hei vawiin ah inthlan a  
ASSEMBLY ngai dawn a, hemi kan  
buatsaihna ah hian ballot  
paper-ah hian candidate

te hming chhut nghal a ni a. Tah chuan Member ten helai dawhkan atangin in la anga, tichuan in duh zawk zawnah tick mark in pe mai anga, chu chu hemi paper in lak hnu ah helai kila hi dawhkan kan buatsaih a. Kan inthlan te secret anih theihna turin helai ah hian in va thai anga, tichuan hemi kan ballot box dahah hian inrawn thlak anga. Tin, kan thlak dan tur kal-phungah hian a awlsama a fel zawk theih nan kan Hon'ble Speaker-in thlak hmasa ber sela, a dawtah kan Chief Minister-in thlak leh sela, a dawt leh ah kan Leader of Opposition-in thlak sela. Chumi hnu ah chuan a first row amiten a indawtin tih ni sela, first row-in an zawhah second row-ah tan leh ila, tichuan a indawtin intibuai lovin tih zel tum ila. Tin, Pu Tluanga kha veivahna lam a harsat avangin ani kha chu a table-ah pek a, thai a, helai thlak sak mai nise, kan official lamin chu chu tih sak kan tum anga, a tha mai awm e. Chu chu ka han puan theih chin a ni a.

Tin kan ballot box a hi a ruak ngei a ni tih Member te hnenah, an thlak tan hma in entir nise, Pu Siliana Under Secretary-in entir se, a tha awm e.

Tichuan kan inthlanna tan mai ila, kan Speaker-in hmarawn hruai sela, a lawmawm hle ang.

S P E A K E R : Thu puan duh ka nei a,  
hei Mizoram hian State  
Emblem kan nei hlei thei  
lova, U.T. tirh atang

khan kan buaipui tawh a. Committee te pawh din a ni thin a, fel chiah lovin a tiak chho zel a. Tunah hian State Emblem nei lova awm reng hi tha in G.P.C. in a hr lova, State Emblem Cone buatsaih turin G.P.C. chuan min ruat a. State Emblem Committee chu ka din ta a. Member te chu heng te hi an ni :-

- 1) Pu Lalfakzuala (C.S. hlui term hmasa lama State Emblem Committee Chairman).
- 2) Pu Lalringa Chief Secretary.
- 3) Pu Ruatlana Director Information.
- 4) Pu J.V.Hluna Ex MLA.
- 5) Pu Kenneth Chawngliana.
- 6) Pu K.L.Rochama.
- 7) Pu T.Saikunga Secy, Mizoram Legislative Assembly te an ni a. Ka Chairman-na hnuaiia State Emblem hi ngaihtuah a ni a, chumi te ngaihtuah hnu chuan approve turin G.P.C. ah a lut leh a. G.P.C. chuan a lo ngaihtuah nawn leh a; ~~MX~~ G.P.C. te tih dan angin State Emblem chu tih fel a ni ta a ni.

Central-in Guidelin Emblem chungchangah Ashoka Pillar hi a tel ngei ngei tur a ni an ti a. Tun hmain Ashoka Pillar tel lovin State Emblem lo siam te kan lo awm avangin. Tin, Ashoka Pillar hi mithiam zawk tena an sawi dan chuanin Sakhaw chhinchhianna pawimawh tak pakhat a nia. Chu chu Sor-karin Sorkar chhinchhianna atana a hman tak nia sawi a ni. Tiang chuanin Keini pawh kan State Emblem tur chu hetiang hi a ni ta a. Mizoram Map kan dah a, a background-ah Mizo Puan, Ngotekherh. Tin, a mawngah Darkhuang a thut a, a darkhuang tlangah chuan Mizoram tih ziah a ni a. Tin, Mizoram Map lai takah chuan Mizote nihna hrilhfiahtu tur pakhat nia ngaiin Kros a chuang a, Map chungah Ashoka Pillar kan State Emblem atan G.P.C. in a pawm ta a ni. Tihian vawiina kan puan hi Government-ah GAD lamah kan thawn anga, hei hi Mizoram State Emblem tur chu a ni. Kros a thut lo. Mizoram Map chungah Kros a awm mai a ni.

Aw, India kan ni a, Ashoka Pillar hi a remchang lai apiangah India kan nihzia chhinchhiannan kan dah a. Kros pawh hi Mizo Kan ni a, Mizote hi a tam ber hi Kristian kan ni a. Chuyangin Kros hi kan dah lang mai a ni, tuman thil dang sawina chi a ni lo. Kan thlak zawn velel thleng hian, tunah hian decision kan siam zo mai dawna, darkar chanve chhunga zawn hram kan tum. Tun hma Pu Thangzika thlan khan a buai nuaih tawh a, khatiang mai mai a buai nuaih hi ka rem ti ve lo a ni.

Mi engzatin nge thlak Member zawnngin kan thlak vek a ni. Tunah chhiar nghal sela, kan vaia hmuhah hian Group tin atang hian pakhat chuan a chhiar lai hi va hmu hrai ula a tha awm mange. Mahni theuhah khan han in ruat mai ula. A hmasa berin a paper a kha engzah nge tih kha chhiar ula, kan chhiar zota, a result kan puang anga. A tling zawk chu khawngaihin kan House Leader Pu Zoram-thanga leh kan Leader of Opposition Pu Lalmingthangan

a thutna turah hruai sela a tha ang. Vawina kan Deputy Speaker thlanah chuan Pu Lalthan Kunga vote 21 hmuin a tling a ni. Vote khat thi a awm, vote tla zawng zawng vote 40-ah vote khat a thi tlat. Tin, Pu Vanlalhlalan vote 18 a hmu. Tunah khawngaihni kan puan tawh ang khan kan House Leader leh kan Opposition Leader-in kan Deputy Speaker thlan tlin chu a thutna tur seat No.30-na ah han hruai teh se. Lawmpuina thu kan House Leader leh kan Leader of Opposition hian an sawi duh ka ring a, a tawi thei angin han sawi sela a tha awm e.

PU ZORAMTHANGA  
CHIEF MINISTER

: Le, Pu Speaker, ka lawm e.  
Hei vawina House Business Programme pangngai angin kan Deputy Speaker

tur thlanna process a ni a. Chutah chuan kan zavaia mit hmuhah tluang takin inthlanna kan nei a. Tin, chu kan inthlanna ah pawh chuan engtikawngmaha rinhlel-awm emaw thil dang emaw awm lo tura kan zavaia mithmuh-ah i conduct a. Tichuan keimahni Group atang theuh pawh in a vote chhiar laite en in khatiang Khan tluang tak in an kal chho a, a lawmawm hlein ka hria a.

Tin, vote thi an awm te pawh kha a chhan kan hre theuhin ka ring a, vote pakhat kha chu thi tura ngaih a ni ve reng reng a, House kalphungah. Chuvangin lawmawm hlein ka hria a, thil tluang takin a kal chhova. Tichuan tunah pawh hetiang keimahni House-a inthlanna an awm a, chuhtu awm lova kaltlang hi a chang chuan lawmawm viauvin lang mahsela Democracy a nihna ang taka kan han inchuh nak nak a, a tling kan han inlawmpuite hi Democracy hlutna a ni a, a lawmawm tak takin ka hria a. Hei hi kan ram leh kan rorel khawl tihzahawmna a ni a, a lawmawm tak tak a ni. Tichuan kan Deputy Speaker thar Pu Lalthan Kunga pawh tluang tak leh tha takin kan Speaker zahawm tak taw-awmin leh a tul huna House kaihruiin a kal tluan chhoh a, manhla tak leh he kan House hi a mamawh hun apianga zo taka min kaihruaitu anih chhoh ngei ka ring a. Chuvangin vawin ah kan House-a Member zawng zawngte kan Speaker zahawm tak leh kan thawktute vawin ah hian inthlanna tluang taka kan neih theih avangin lawm thu ka sawi a. Tin, kan Deputy Speaker thar Pu Lalthan Kunga lawmpuina ka thawn a. Tin, chutah kan candidate dang Pu Hlana pawh hetiang Democracy a nihna dan tur ang taka tluang tak leh mawi taka function-a candidate a rawn ti a, tin, inthlan zawhah pawh kan thlan tlin a te lawmpuina chibai pe a a rawn ti kha amah lawm thu kan hriih bawk a ni e. Ka lawm e.

PU LALHMINGTHANGA

: Pu Speaker, a kaihhruaina hnuaiah vawiin ah hian vantlang rorelna dan kalhmang dik takin Deputy Speaker hmun ruak hnawh khat turin inthlanna kan nei hi a ropuifin he rorelna Assembly House-ah hian Democracy kalphung hi kan zawm chho zel a ni tih tarlangtu a ni a. Chumi-in a tarlan rual chuan heti laia thukhawmte hi Zoram mipuite aiawma thukhawm kan ni a, chumi thleng pawh chuan a rawn tarlan a chu vantlang rorelna dan phungah hian Mizoram State leh Mizoram mipuite hian putling takin hma kan la chho zel a ni tih vawina kan thil tih hian a tarlang a ni.

Tun hma lamin speaker thlanna te, Deputy Speaker thlanna te kan nei zeuh zeuh tawh thin a, a tam berah pheif chuan uncontest-a hemi inthlanna hi kal thin anih pawh kan hre tlangin ka ring a. Kei pawh chutiang ang Legislative Assembly hrang hrangah chuan ka tel ve zawk zawk thin avangin uncontest-a kal tum hi tum engemawzat ka tawng tawh a. Amaherawhchu, vawinah erawh hi chuan a hma lama kan House Leader-in a sawi tak ang khan helai ah hian kan No. te in zat lo mahselangin vantlang rorelna-a thukhawm kan ni a, inthlanna hi kan tobul leh he House ngei pawh hi a rawn pianna Member ten kan privileges kan right a ni a. Tichuan, nangin Deputy Speaker hmun ruak rei fe a ruak tawh hi hetiang ang maia a awm chu fel tawk lovin i hria in, Sorkar lam pawhin chutiang chuan an hria a, tichuan, vawiin ah hian chu inthlanna chu i lo buatsaih ta a. Mei candidate chhuanawm tak ve ve kan nei a. Treasury Bench atangin tuna ka dinglama thu ta Pu Lalthan Kunga Member zahawm tak Ratu Bial atanga thlanting, tin, House-a debate-ah te pawh contribution tha tak nei thin kan nei a.

Tin, Opposition lam atangin Pu Vanlalhlana, mithiam tak leh Member zahawm tak leh duhawm tak Lungpho Bial atanga thlan tlin tun kum 2 kal ta chhungah pawh helai rorelna-a contribution tha tak nei leh a hmalam ah pawh kan consensus-a, helai helai Dy. Speaker-a lo awm tawh thin kha candidate-ah kan han nei a. A mihring mal angin duh zawng han thlang dawn ta ila, mifel tak ve ve an ni tih kan hria a. Amaherawhchu, inthlanna ah tling zawk awm loh theih loh a ni a. Tichuan a vannei zawk ah Pu Lalthan Kunga a lo tling ta a. He lamah kan thu dun ta a, kan khua pawh a har lo sawt khawpin ka ring a.

He kan inthlanna hi tluang taka a kal avang hian Member zawng zawngte hnenah lawm thu ka sawi duh a. Tin, Speaker hnenah pawh inthlanna hun tha min buatsaih avangin lawmthu ka sawi duh a. Tin, House Leader pawhin thu tha tak a han sawi avangin lawm thu ka sawi duh a ni.

Tin, candidate-a tling zawk leh tling lo zawk a te pawh hi lawmthu ka hrilh duh a. Tichuan Pu Speaker, i taimakna zarah tuna Rules thar kan han dah luh tak, nimina kan Rules tharah te khan hun lo kal tur atan chuan kan Budget Presentation ah te pawh Sorkar Work Programme chi hrang hrang te pawh he House-ah hian sawiho theih a lo ni dawn ta a.

Tin, chu mai bakah Work Programme atana chhawp bakah khan Physical Performance hun kal ta kum khat chhunga achievement statement te pawh hetah hian laid tel a lo ni dawn ta a. Chutianga ang chuan kan hmalama hina kan thawhho dan tur a hi i kaihhruaina hnuaiah tha takin thil i duang chho zel a.

Tin, Budget Committee te pawh tunah hian a kalhmang i rawn ti danglam chho dawn ta a. Chuvangin Deputy Speaker service tel lo hi chuanin nangmah mai atan chuan he rorelna kaihhruai chhoh zel te pawh hi hautak tak a lo ni dawn a. Chutianga kan inbuatsaih chhohna ah Deputy Speaker hetiang a he rorelna fel tak leh pyitling taka kaihruai thei tu tur kan lo nei ta hi kan ram tan chuan changtlunna pakhat rahbi rawn inher chhuak a lo ni chho leh ta a. Hemi House tan pawh hian thil lawmawm a ni e. Chuvangin vawina kan thiltih zawng zawngah hianin lawm thu ka sawi a.

Tin, kan thlantlin tak Pu Lalthan Kunga hi Opposition aiawhin a hnenah lawm thu ka sawi a. A vanduai zawk kan ti dawn nge ni Pu Vanlalhlana hnenah pawh lawm thu ka sawi a. He kan thil tih hi a ropui ka ti a, ka rawn sawi a ni e.

Ka lawm e.

S P E A K E R : Tunah chuan kan Deputy Speaker thlan thar... Nilo. Kan Business a tam a a lawmawm khawp mai a. Mahse hun kan ngah lo deuh a. (interruption) Aw a dik e, Pu Zakhu Hlychho thusawina hun kan pe ang.

PU ZAKHU HLYCHHO : Pu Speaker, hei a hmasa berin a tling zawk lawmpuina thu ka sawi hmain a tling lo zawk kha ka tuarpui hle a ni tih kha ka sawi hmasa duh a. Amah-erawhchu, Democracy ah chuan a tling lo awm ve theih

a ni a, chuvangin a tuar dan te lo thiam sela.

Hei Pu Speaker, vawiina Dy. Speaker thar kan han nei hi a lawmawm ka ti a. Tin, Pu Lalthan Kunga Dy. Speaker thara kan nei hi a mimal tan, a mimal hnenä ka lawmpuina ka hlan rualin a Sorkar ah pawh hlan ngalin ka hria a. A chhan chu Dy. Speaker hmun ruak renga rei tak hnawkhah loh kha titi a tam riau a. Ruling lamin Dy. Speaker an inchuh nasa lutuk tawh a, an in hmu zo thei tawh nange, tih te pawh hi, khawlai titi hi chu a awm a nia. Chuvangin, hnawkhah a ni hrim hrim a hi a lawmawmin ka hria. Mahse, thil vanduaithlak deuh chu helaia kum 2 vel kan thut tlan hnuah hian Pu Lalthan Kunga hi a Ruling lama thu te chhantu ah, MLA ah chuan a tha ber awm mange ka ti a. An hmui puipui niin ka hria a, chuvangin, vawiina a hmui kan han phuar tur hi chu Minister te tan chhantu an vai deuh dawn a. Keini tan chuan a lawmawm hle in ka hria. A hmelte pawh a tha sawtin ka hria. Kan Dy. Speaker thar pawh hi kan ngen duh chu kan Speaker ang hian House a conduct huah chuan Opposition lam hi min lo duhsak deuh thin sela. Keini berina kan rel loh chuan mitha an ni ringawt mai a ni. Tichuan, he Democracy anga rorelaa sang ber office leh House zahawmna hi tuna kan Speaker ang hian min kenkawh sak zel kan beisiin kan duhsakna Congress lam atangin kan rawn hlan e. Ka lawm e.

PU LALTHAN KUNGA  
DY. SPEAKER

: Pu Speaker, ka lawm e.  
Hei a hmasa berin nangmah leh House Leader kaihhruai na hnuai vawin nia ka chung a mawhphurhna pawimawh tak mai a hlawhtlinna kan nei ta ni lawm thu kan sawi duh phawt a ni. Tin, ka Member puite chungah lawm thu ka sawi duh baw a ni. He House zahawm takah hian Constitutional Post pawimawh tak ka luah ang tih ngaihtuahna ka lo nei miah tawh lova. Amaherawhchu, vawin niah he dinhmun nangmah tawlawm tur leh he House-a Member zawng zawngte kaihhruaina hna ah chanvo pawimawh tak min lo pek tak avangin lawmthu ka sawi duh a ni.

Tin, ka khingpui Pu Hlana pawhin min hlahthlem a, ani hi a tling mai tih ka lo ring leh hman tawh ania. Ani pawh min lo lawmpuitu hmasa berah a din avangin a puitlin zia a langin ka hria. Tin, a tlin lohna ah ka tuarpuina ka han ti lang nghal duh baw a ni.

He House zahawmna tur leh hmasawna thar kan neih theihna tura Pu Speaker, i kaihhruaina hnuai thlamuang takin he hna hi thawk chho turin ka in ngai a. House hian hmasawna thar kan

nei tam ta viauva, Opposition Leader-in a lawmpuina  
thu sawi ruala a sawi angin mi ram State tena an  
lo practised thin Legislator Party leh MLA mimal te  
pawhin he kan ram rorelna sum leh pai hmanna tur  
chungchangah he House kaihhruaina a puitlin zelna  
tura hma i lakna tawh zawng zawng te pawh theih tawpa  
han thlawp chhoh zel che ka beisei a. Chungah chuan  
hmasawna thar te neih chhoh zel hi lawmawm ka ti.  
MLA tin te kan pawimawh vek nachungin, kan pawimawhna  
tun hma lam zawng zawng aian a la lang chiang zual  
leh dawn ni pawhin a lo lang a, chu chu mipuite hlutna  
tarlangtu anih ka beisei a. Vawiin niah he dinhmuna  
min hlangkaitute leh min han khingtu zawng zawngte  
chungah leh in zavaia chungah ka lawm tak meuh meuh  
a ni.

Ka lawm e.

S P E A K E R : Business angin kan kal  
zel ang. Nimin lamah khan  
hmachhawp kan nei a, Mizo-  
ram Tenancy and Govern-  
ment land settlement Bill, 2000 Member 14 in an sawi  
tawh a. Ruling atangin 5, Opposition atangin 9 in  
sawi a ni a. Khang anga kan han sawi atang khanin kan  
ngaihda a in ang lo duh riau in a lang. He kan Bill  
hi a pawimawh a, kan ram leilung Pathianin min pek  
kan neih dan tur anih avang hian a pawimawh si a,  
chuvangin lungrual taka kan pass theihna kawng te hi  
a awm thei lawm ni? Kan lungrual tlan hma chuan pass  
rih lo ila, sawi tlan leh rih te pawh hi a!! Chutiang  
zawng te pawh chuan ngaihtuahna te hi a awm thei em  
aw! tiin vawiin chu a hmasa berin kan House Leader  
sawm ka duh a. Chuta tanga a ngaihda lo lang atang  
chuanin nimin lama Opposition lama sawi atangin an  
ngaihda kan hre tawh a, Ruling atangin 5 in sawi a  
ni a, chung atangin he kan Bill hi kal pui zel dan  
tur a lo lang mai ang. Kan House Leader ngaihda chu  
a pawimawh khawp anga, Ruling te phei chuan kan zawm  
lo thei lova.

Tunah House Leader i lo  
sawm teh ang.

PU ZORAMTHANGA : Pu Speaker, hun min pek  
CHIEF MINISTER avangin ka lawm e. Hei  
kan Revenue Minister zah-  
awm takina kan Mizoram  
Tenancy and Government land settlement Bill, 2000  
a rawn putluh House-in kan han sawi nak nak a. Hei  
hi a kim hlel deuh ve, heti zawk hian a tha lawm ni,  
"Hei hi heti hian ti ila," tih te pawh corner hrang  
hrang atangin a awm a. Duhthusama fel famkim lo lai

te pawh chu thil awm thei a ni a. Tin, a that viau laite pawh thil awm thei a ni a. Tin, a that leh that loh te hi chu mimal ngaihdan a ni a. Thenkhat tan a tha viau mai a, "hei bak engnge", kan tih hi thenkhat tan "a tha lo, hei tur hi a ni", a tih theih tho a, a ngaihtuahtute ngaihdanah a that leh that loh dan hi chu a awm a ni a. Tichuan he dan hi thil dang, dan dang ang hi a ni lova, ram leilung dan, 'Land Law' anih avangin hetatang hian mitinte min khawih tak zet zet a ni. Kan In, kan Lo, kan Huan, kan Ram engkim a inchinfelna tur keini Memberte zawng zawng, mipui zawng zawng, rama cheng zawng zawng khawih tur anih avangin "Ruling lam kan ni a, kan vote a tam alawm", tia in oppose ngawt pawh a theih ang chin chin chu pypmelh a, inlungrual taka kal tlan tha in kan hria a. Chu chu anih avangin kan mithiamtena an han draft ah pawh Department lamten theih tawpa an lo en hnuah a Ruling lam ni ngawt bik lovin Opposition lam amite pawh insawmin thlir tlan nise kan ti a. Chu chu kan Revenue Minister zahawm tak kaihhruaina hnuah kan Opposition Member zahawm tak te pawh telin an lo thlir tlang hlawm a, tin, a har viau feng bawk a. Mithiam tak tak nih loh pheih chuan vawiina tha nia kan hriat kha a tukah, "Ngawi teh u ngaihdan thar a lo kal a, hei hi chu a tha chiah lo mai awm mange," tih tur te pawh lo piang thuai thuai thei a ni a. A dan leh kalhmang thiam expert tak tak nih loh pheih chuan a tha ber pawh hriat a har reng a. Tichuan hun eng emawti chen an khel hnuah hei hi kan kut chhuak chu a ni ta ber e, kan aiawh ten an tih tlan avangin ruling lama kan aiawh te, opposition leh group dang danga kan aiawh ten an kut chhuak chu hetah hian rawn la lutin, kan han khel ho nak nak a.

Chuti chung chuan a tha lo laite pawh duhtusam lo lai te pawh a awm a ni lawm maw ni ? tih te pawh kan la nei nual nghe nghe a. A that loh tak tak leh a that tak tak thu lam erawh chu mithiam zawk te leh ngaihdan chi hrang hrang atanga dang thei a ni a. A eng apawh ni sela hei hi a tha viau anih pawhin kan vaia aiawn te kha an fakawm a, an siam tha viau a ni ah ka ngai a. Tin, a famkim lo lai a awm pah anih pawhin kan vaia kan aiawh te khan kan duh ang zanin an siam hman leh an siam famkim lo tihna a ni bawka. Chuvangin opposition lam ina han chhuan tur emaw, ruling lam ina han chhuan tur emaw awma awm lo a ni lova, kan vaia kan aiawh ten kan hma a min rawn chhawp sak a ni a. Tin, a hming thleng pawhin, "Ngawi teh u, hei hi a tha zawk mai lawm ni", tih te pawh a lo kal zel a. Chu chu anih avangin kan ngaihdan chuan hei hi chu a that leh that loh lam kha chu ka sawi ang khan kan version chi hrang hrang ni sela, kan zavaia lungrual taka kan pass tlan hi tha kan ti a. Concensus-in chumi atan chuan rawtna chi hrang hrang lo awmah khan, "Ngawi teh u, chik leh zualin in en tlang leh teh ang u", tih rawtna kha a



awm nual bawk avangin, "A khai ni love, hei hi chu i kal tlangpui hrim hrim ang", tih ngawta kha thil tha ber pawh a ni lo thei a. Chuvangin Pu Speaker, kan Bill neitu hian a rem tih chuan group chi hrang hrang kan awm a, heta tanga kan aiawh te hi min rawn siam ulangin select Committee-in lungrualin dam thlap in thlir tlang ila, keimahni leh kan ram mipuite nen ram dan nghawng thei anih avangin mam zana in hriatin rawn thlir nawn leh sela. Tichuan, a hming thlak a ni emaw, a number a ni emaw, a system thlak a ni emaw an duh ang zanin rawn buatsaih sela, lungrual taka kan pass tlan theihna kawng anih chuan chu chu example tha tak pawh niin ka ring a. Kan bill neitu kan Revenue Minister hian a rem tih chuan heti zawng hian kalpui pawh a rem in ka ring a, ka han ti deuh a ni. Ka lawm e.

**PU LALHMINGTHANGA** : Pu Speaker, kha kan House Leader zahawm tak rawn sawi, a rawta kha thil zahawm tak a ni a. Amah-erawhchu, ngaihndan han sawi rik kha a eng Committee pawh kha lo chho dawn ta selangin, a tul hlein ka hria a, he thil hi. Khalai kha chu Member dang te chu i ti lo anih pawhin a hmingin hetah Leader-in ka thu a, ngaihndan kha chu tlem chu sawi ve a ngai a. Tin, select Committee te pawh lo kal duh sengin khatah khan hearing a neih ve te pawh a pawimawh a. Chuvang chuan kan House Leader thu kha chu zahawm ka ti a. Kan Minister in-charge in a rawn sawi hma khan khalai kha chuttawi te tal chu min phalsak lang chuan ka duha.

**S P E A K E R** : Ngawi rawh khalai kha kan House Leader ngaihndan chu kan hria a. Mahse a pawimawh em em chu a Bill neitu Minister hi a ni a. Ani ngaihndan kha kan hriat ve leh loh chuan, ka tum dan chuan heta Opposition te nimina Member 14 lain an sawitawh ang hianin kan lung a rual tawk lo a ni tih a Chiang a. Vawiin nia kan kan kal tlang pui dawn loh si chuan sawi vak lam kha chu tih loh mai nise. Revenue Minister ngaihndan kha i han hre phawt teh ang, Revenue Minister ngaihndan kha kan House Leader pawh khan a ngai pawimawh a. Anin khatiang zawnga a rawn tih theih si chuan Member te in koh kual vak kha chu Business kan ngah deuh va. Entirnan, Pu Tawnluia, kan Minister zahawm tak pawhin sawi ngei a duh thu min hriattir a, ani pawh hi kan Revenue Minister ina kan House Leader ngaihndan ang zawnga ngaihndan a rawn nei anih chuan a tu a mah kha sawi tir loh che u kha ka tum a. Mahse, chutiang anih loh chuan a duh duhin in duh tawkin in sawi turah ka ngai a ni.

PU LALHMINGTHANGA : Pu Speaker, keini lam hian khalam kha kan la sawi ri lova, mi pakhat chauh rawt a ni a, pakua zingah khan a dang ho zawngin an rawt kha select Committee-a refer ni lem lo tih te pawh a nia, chuang chuan kha lai kha kan ngaih dan kha a lan chian ve te a ngai a, chunglai chu midang koh loh anih pawh in Opposition Leader ang kha chuan min..... debate zawng pawh a ni lova, debate zawng pawhin kan cho tho alawm, tha takin ania ka rawn sawi.

S P E A K E R : Thil tha kan ngaihtuah lai a ni a, in duh takin sawina tur a la awm dawn a ni. Revenue Minister a puluttu ber hi kan C.M. ngaih dan lo pawh khan a kal thei a, khatiang ang anih kha chuan kan pawngpaw hnawl thei tlat lo. Ka zawt dawn che u a, kan C.M. ngaih dan kha in pawm theih leh theih loh ka zawt dawn che u a ni. Member te, in vaiin, in pawm duh lo anih chuan Member te hian hian in sawivek mai ang, kan tih dan pangngai ang khan opposition Leader phei chu kan pe tam bik ang, min hre thiam mai rawh u.

In ngaih dan in sawi atanga he thil hi lo piang chhuak a ni. Anih leh Pu Lalrinchhana Bill neitu i sawm ang u.

PU LALRINCHHANA MINISTER : Pu Speaker, hemia ka ngaih dan ka sawi hmian thil awmdan tlangpui ka sawi chhoh phawt hi a ngaiin ka hria a. Chu chu kan Member te thusawina..... atangin he ram dan chungchang hi tlema han hrilhfiiah hlek phawt ngaiin ka hre tlat a. He Bill buatsaihna hi tun term anih hma khan kan ram dan hi siamthat, en that a ngai a ni tih hi Mizoram Sorkar thlir dan a ni. Chumi avang chuan tunge hemi lo thlir atan tha ber ang tih kan ngaihtuahin IAS senior leh retired Pu.S.R.Vala hi lo ruahman turin draft siam turin an lo ruat a ni. Ani chuan draft a rawn siam fel a. He Ministry hian kan han lak takah khan hei hi ram dan tur a nia. Chuwang chuanin dan dang kan siam a. Minister leh concerned official tenan buaipui ang ringawta kal kha tha kan ti lova. ConCensus nature-a a kal theihna turin House-a kan ngaihtuah pawhin lungrual taka kal theihna tur kan duh a. Chuwang chuanin MLA te, party hrang hrang atanga MLA representation nei te chu, chung mite chu Member-ah dah khawmin, official te nen draft lo awm a kha kan enho ta char char a. Chutah chuanin kan ruahmanna kan han tih zawh khan

'Law' kan entir leh a. Law chuan heng hi a fel love tihna lai hrang hrang an rawn tichhuak leh a, Chu chu kan enho leh a. Chutah law te leh Member-ho lungruala kan kal theihna ah khan he Bill hi buatsaih a ni ta a ni. Chutianga buatsaih fel anih hnu chuan Cabinet-ah putluh a ni a, Legislature-a party hrang hrang opposition pawh Ruling pawh chung Member te nen uluk taka an rawn ngaihtuah chhoh tawh a ni a, tiin Cabinet pawhin House-a putluh tur hian a approved ta a. House-ah pawh kan rawn pulut ta a ni. Chuvangin he Bill kan siam chhoh ah hian keinin kan lak rual chuan tih tam zawnga in vote thlak zawnga kal lovin lung-ruala Concensus-a kal turin ngaihtuahna hmangin, chu mi nature chuan kan kal pui a ni.

Tunah pawh hian he Bill hi kan Member hrang hrangte ka thlir in i kal tang ang ti ila vote la ila kan kal tlang em em ang tih ka hria. Majority hian he Bill hi min vote pui thei a, hei pawh hi ka hmu chiang a ni. Mahse, atir atanga a nature kan buatsaih chhoh ah khan ram dan anih avang in lungruala in oppose lova kan kal tlanna hi ka duh a ni. Chumi ang duan atir atang pawhin kan buatsaih chho a ni.

Tichuan, he Bill kan sawi-selna ah khan pakhat ka han tarlan duh pawimawh em em chu ownership hi kan in pe lo kan ti a, Land lease a ni emaw settlement a ni emaw khang kha kan inpekna dan ah khan tuna kan dan hman lai ah hian House site-a House pass kan in pe a, chumi zawh ah LSC kan in pe a, Agriculture lamah pawh pre-patta kan in pe a. Chumi hnuah LSC kan in pe a ni. Chu LSC kan inpekna chu, nih leh Khalai an huan ram leh an in hmun kha chatuan a an in hmun turin kan pe em ? an ram atan kan pe em? Pe miah lo ownership chu State in a kawl tlat. Amah-erawhchu, condition neinin, he condition hnuai hian he ram hi in hmunah lo hmang rawh, he condition hnuai ah hian he ram hi leilet ah te leh huanah te lo hmang rawh tiin condition nen ram kha an hman turin allotment a siam a ni. Hei LSC tuna kan hman lai mek hi a ni. He LSC a hnunga kan ziak zawng zawng hi kan thlir chuan Sorkar ram a lo luahna avangin Land Revenue a pe ang a. Tichuan Land Revenue a pek avangin Sorkarin a pek ang chhan rinawm taka a kalpui chhung chuan a tan a humhalh sak ang. Chu chu a condition a ni. Tin, he ram a luah manah hian revenue in, Sorkarin tul a tih dan ang angin eng hun ah pawh revenue hi a tiipung in a ti tlem thei ang, khatiang ang khan a buatsaih thei.

Tin, chulovah chuanin hemi hun chhunga a in sak a kha a duh ang angin a ti danglam ngawt thei lo, Sorkar hriatpuina leh pawmpuina hmangin a ni, Chutiang ang chuan. Tin, a ram mi dang hnenah a duh ang angin a transfer ngawt thei lo, Sorkar phalna hmangin a transfer thei chauh. Tin, khami ram

chhungah khan sorkar duh loh zawng zu sak nan leh zu tih nan lo hmang se sorkarin a laksak nghal thei a ni. Tin, khami hmun kha sorkarin lo duh ta sela a ram kha sorkarin a duh hun hunah sorkar pawimawhna avangin a laksak thei a ni. Khatiang ang khan in hei hi a tak in pek a ni lo, sorkarin condition awmin a luah tir a ni, Chu chu L.S.C, pawh hi a ni. Tuna Land Lease kan siama pawh hi chu chiah chu a ni. Chuvang chuan kha laia an sawi a kha, tunah hian ram kan in allot-na turah hian danglamaa thui a nei chuang lo reng reng. Chuvangin khalai takah khanin tuna ram kan luah dan phung pawh hi kan en Chiang lova, Member te hianin ram chhunga mipuite hnena he mawhphurhna kan pek dan leh kan humhalh dan pawh hi kan study tak tak lo. Chumi avang chuan harsatna kan tawk a ni. Chuvang chuan tunah hian a hming thu ah Tenancy thu kan sawi a, ni e, lungrualin kan kalpui a ni. Amaherawhchu, a hming thu hi tenancy hming hi a draft kan lo hmang hi chu a tira a rawn tituten an tih avangin kan lo hmang ta maia in ti a. Chuvang chuanin Land Reform Committee pawhin an thlir hian khulaia Land Lord awm-na area-a an term kher kher lo hman pui hi chu thlak theih chu nise tenancy lo zawngin Land Holding ti zawnga tih pawh a va tha em an ti a ni reng a. Amaherawhchu, khami kan han tih dawn khan hei hi House property-a a awm tawh avangin khami Amendment siam kha a remchang tawh lova. Chuvang chuan tunah hi chuan anih leh kan kal tlang anga, Session leh remchangah hei hi thlak tha zawka kan hria anih chuan kan la thlak ang chu kan ti a ni mai. Chu chu tuna kan kal pui dan chu a ni.

Engpawhnisela, helaiiah hian ka sawi ang khan, atir atanga kan tum ah khan tumah in oppose lova, Law thu anih avangin, lungruala kan kalna hi kan hna a ni. Chumi kan zawna tura kan kawng awmchhun anih chuan kan House Leader-ina a rawn propose-na kha lawm takin ka pawm thei e.

S P E A K E R : Awle, a lawmawm khawp mai. Ngawi rawh u aw, Ruling ka siam duha. Tunah khanin kan House Leader-in khatiang ang khan kan zavaiin kan ram chungchang thu a ni a, hei hi chu kan lungrualna concensus ngaihtuah nawn leh nise tih duh leh duh lo kha ka vote thut mai dawn che u a; chuvangin a duh voice vote in kan la ang a, ngaihtuah nawn leh duh chuanin....

PU LALHMINGTHANGA : Pu Speaker, Mike min rawn pe rawh u. Kan House Leader rawn rawtna kha Select Committee ah refer nise, tih kha a rawtna a ni kan House Leader pawh khan. Chu chu kan Minister concerned Khanin chutiang ang anih chuan kha kha ka rem ti e, a ti a ni. Nimina kan debate-ah khan Member zahawm tak Saitual Bial atanga thlantlin Pu R. Lalzirliana Khan Select Committee-ah hei hi chu refer nise, tiin a rawt a! Kha kha kan dan pakhat a ni. Amaherawhchu, Member dang Opposition lam atanga sawiho reng reng Khan he Bill hi chu withdraw leh nise, ngaihtuah leh nise tih a ni a, chu chu a in ang lo daih a ni, Select Committee tih leh, withdraw leh nise tih kha chu a in ang lo daih. Chuvang chuan he rorelna ah hian kan chian a ngai a.

Tin, keini Member dang Saitual Bial ami tih loh kha chuan keini MPC Legislature Member ho hi chuanin he Bill hi a hming hrim hrim Tenant han tih leh Tenancy han tih hian tha lo kan ti a, chu chu fundamental tak a ni a. Chuvang chuanin kan zavaia lungrual taka kan tih theih dan tura kha chu kan duh em em a ni. Amaherawhchu, Khalai ah Khan a procedure chungshang thu ah keinina kan stand kha chu kan Sorkar hian zah a ngai thei a, chutiang anga lungrual taka tih a tha e. Tumah decending voice awm lovin Ram leilung hi a pawimawh si a, Pathianin a siam a kha a pung tawh chuang lovin mihring kan pung a, hmanna a pung a. Tin, ram leilung avang hian indona a chhuak a ram leilung avang hianin inthahna a chhuak a, inhnialna a chhuak a. Chutiang khawpa thil pawimawh hetia han tih puat a hi Select Committee-a han refer ringawt lo hian kan Sorkarin Land Reform Committee, Select Committee ni lovin khati lam ngaihtuahtu turte pawh kha a lo siam tawh a. Chuvang chuanin, kan lungrual tlan theih nan nichina an sawi ang Khan hei hi chu withdraw leh nise, a standing Committee awmsa Land Reform Committee kan Sorkarin-a a siam atang emaw Khan hei hi rawn puahchah leh ta se. Tin, a hming a pawh hi Tenancy tih a pawh kha inhnial selangin a hnu ah pawh kan la inhnial anga, hei hrim hrim hian mi ti khawlo dawn a, a hming a dik loh hi chuan tih kha kan ngaihdan a ni a. Chuvang chuan palzam mai chi kan ni miah lova, Chiang taka in hriat ka duh a ni. Chuvang chuan in keini pawhin fumfe takin rawtna kan siam a Pu Speaker.

S P E A K E R : Vawiin niah chuan palzam lam ni lovin niminah Pu R. Lalzirliana'n rawtna a rawn siam a, fumfe takin Saitual Bial MLA Khanin.....

PU LALHMINGTHANGA : Pu Speaker, withdraw leh nise tih hi keini lam dinna a ni.

S P E A K E R : A chiang tawk tawh a. House Leader leh Pu R. Lalzirliana ten Select Committee ah refer nisela

an ti a. Helam atangin withdawn hrim hrim nise an ti a, withdraw tur phei chuan House phalna a ngai a, House phalna lo chuan a theih loh a. Chuvang chuan buk ang. Withdrawm tih leh Select Committee a refer tih hi thil dang daih a ni. Chuvangin kan buk anga, voice vote in kan ti anga, a chiang pha lo anih leh a tul leh kan ding anga, ban te pawh kan phar ang chu.

Awle, tunah chuan rawtna pahnih kan nei a, he Bill hi kan ngaih pawimawh tlan em avangin lungrual taka tih tlanna zawng chhuak thei turin a Bill pumpuia hi with draw leh mai nise tiin Pu Lalhmingthanga, Leader of Opposition in rawtna a siam a.

Awle, nimina Pu Lalzirliana, Saitual Bialtuin Select Committee ah tih nise a tih kha kan House Leader in refer nise tih kha a lo tawmpui bawk a. Chumi pahnih chu tunah hian vote ka la anga, aw, nangpawh i lo ti maw ? Pu Nirupam-a pawh a tel anih chu, ka tih sual palh a ni e, ngaihdam ka dil e.

Tichuan, a hmasa in with-draw leh nise Reform Committee ah refer leh ni zawk sela tih duh apiangin.. (Interruption...) A rawtna a ni a, a fawtna zawk a ni ka buk dawn ni.

PU LALHMINGTHANG : Pu Speaker, Representative hrang hrang awmin hei hi ngaihtuah a ni a, an ti a. Kha vang khan kha kha Standing Committee anih laia Select Committee siam leh a kha, Committee no-confidence move-na a ni a, a nihna takah chuan. Chuvang chuan sorkar thil tih a kha a zahawm a kan hriat avangin he thil hi kal cho zel a ni a.

S P E A K E R : Inhnial tur a awm tawh lo. With-draw leh nise tih kha kan buk dawn a, withdraw leh nise tih Khan a fun kimah i ngai ang.

PU H. RAMMAWI : Pu Speaker, Pu Lalnun-tluanga Kha Committee-ah Khan a awm reng, annin an duh loh avang Khan no-confidence an move tihna a ni reng reng lo.

S P E A K E R : Awle, tunah ka chiang tawh tawh. Ti rawh u, i buk ang. Kan chiang tawh tawh e. A funtel a pawh kha tunah chuan withdraw leh nise ti zawngin ban phar teh u le. Kan Secretary te Khan han chhiar teh u.

He Bill hi ngun zawkin select Committee in thlir leh sela, chumite chuan kokim takin representative pawh pawl tin atangin thlir nawn leh se ti apiangin ban phar rawh ule. Han chhiar leh teh u.

Select Committee-a refer nise tih a tam zawk anih chu. He Bill hi a neitu Pu Lalrinchhana zahngaihna azarah i ti mai ang, he-tiang hian ngun zawka ngaihtuah leh theihna kan nei dawn anih hi. Tunah chuan Business dangah kan kal anga, Pu Zoramthanga C.M. Mizoram Appropriation Bill 2000 a rawn thehlut a. He House ah hian Introduce han dil sela.

PU ZORAMTHANGA CHIEF MINISTER : Pu Speaker, 'The Mizoram Appropriation No.4 Bill, 2000. hi he House-ah hian Introduce ka rawn dil e.

S P E A K E R : Introduce kan remti. tlang em ? Aw, han Introduce rawh se.

PU ZORAMTHANGA CHIEF MINISTER : Pu Speaker, i remtihna leh he House remtihna 'The Mizoram Appropriation No.4 Bill, 2000' hi he House-ah hian ka Introduce e.

S P E A K E R

: Tunah a Introduce ta a. A copy kha Member te han sem ula.

PU ZORAMTHANGA  
CHIEF MINISTER

: Pu Speaker, Mizoram Appropriation No.4 Bill kum 2000, hi regularisation a ni ber a. Tun a House hi a awm hmaa bill vek kha a ni a. A kum pawh kan hmuh angin kum 5 chhung 93-94, 94-95, 95-96, 96-97, 97-98 khalai hun chhung khan Expenditure tnenkhat hi regularised hman, leh a awm thin a, a chhan hrang hrang avangin, House-in a pass a regularised hman loh tlem a lo kal tlai deuh te, a chhan chi hrang hrang avangin a awm thin a tihdan pangngai angin a hnu-a regularised a, heng hi pass leh a ni thin a ni. Tun ami pawh hi a tlingkhawm tam deuh hlek a, kum 5 chhung lai House in a thil kal tawh regularised a kan passed sak dan angin a ngai a, chuvangin heng kan thil tel ang khan 93-94 ami regularisation ngai 94-95, chutiang bawkin Supplementary Demand 95-96 ami te 96-97, 97-98 ami te kha kum 5 chhunga kan Expenditure House in Vote a passed tawh regularised ngai si, chung chu kan rawn putluh a ni.

PU LALHMINGTHANGA

: Pu Speaker, ka lawm e. Kan House Leader zahawm takin a rawn sawi ang khan hei tuna Appropriation Bill kan han tih tura hi hemi House tan chuan han refer ngaihna pawh a awm tawh chuang lova, hma kal ta ami vek kha a ni mai a, kan pass tho tho hi chu a ngai a, amaherawhchu, kan inzir tlan zel kan ngai a, kan vai hian. Tin, ram tana thatna tur ngaihtuah tlang zel kan nih hlawm avang hian tilaiah hian engemaw tawite han sawi hi ka rilru-ah a awm deuh hlek a.

Hemi a detailed Account a kha zuk en ta ila - Explanatory notes-ah hian kum hrang hrangah khan excess expenditure kan tih kum Budget-a lang piah lam si a kha, pawisa hman a rawn awm chho zel a, chu chu kumtin Auditor lo kal te khalaiah khan an rawn audit a, kan Budget a pawisa kan vote, he kan Assembly a kan vote kha hman theih piah lama mi zel kha a rawn hmuh chhuah tak si avang leh chumi chu he thuneiha sang ber kawltu hianin a zuk regularised leh a, hetah hian kan vote leh si loh kha chuan kha expenditure a kha irregularin.....

PU ZORAMTHANGA  
CHIEF MINISTER

: Pu Speaker, heng hi House hian min ngaihtuah sak a, pass pawh min pass sak kan han beisei a, kan sawitawh ang khan, he House-a Member zahawm tak te kan awm hma ami vek a ni a. Amaherawhchu, kan hma amite hnathawh tih fellow ni lovin, hei chu sorkar kal dan pangngai thin anih avang in hemi hi he House hian min pass sak turin ka ngen a ni.

...100/-



S P E A K E R : Kan Chief Minister in, The Mizoram Appropriation (No.4) 2000', chu a rawn moved ta a. Appropriation Bill hi chu sawi ho vak ngai chu a ni lem lova, mahse, sawi ho theih tho chu a ni a. Kan Opposition Leader-in sawi a rawn dil a, han sawi sela atha ang a.

PU LALHMINGTHANGA : Pu Speaker, kha expenditure kha irregular-in a kal hlen dawn a. Tin, a state accounting a pawh a buai dawn a, chutiang ang vang a, kal chho chu a ni ber mai a. Hei hi a awmna bul ber kan zu chhut chuanin kan State Account-ah Zero a lo thleng ta thin a. Financial Management duh anga kan fimkhur tak thin loh avangin tun hmalam hunah khan, tichuan Zero a lo thlen khan helaiah engkim a loh theih loh essential service te leh mihring nunna leh kan nitin nunna a pawimawh kha chu kalpui zel theih loh anih avangin Central Sorkar hnen atangin ways and means la in kan budget a lang tawh miah lova. Kha tihian an zuk hman. Thin a, Sorkar Khan. Chumi expenditure chu Receipt lam side-ah awm loin expenditure side-ah buk loh theih loh a ni a. Chu tak chu auditor ho hianin tihian a irregularity, kha an rawn hmu chho a, tihian kum tam tak a rawn in khawl khawm a. Amaherawhchu, C.A.G. atanga audit note lo kal an feport te ang te kha State Public Accounts Committee-in duh anga a bawhzui chak si loh avang khan ti hianin a kum nga tel tur a intlingkhawm a. Chumi tawh hnu ah mitthi ruang zai ang chauhin heti laiah hian han sawi leh dawn mah ilangin sawi leh theih awm chuang si loah hian MLA hote leh heti laia a House pumpui a hi i ho hian rubber stamp angin a chhu fel tuah hman kan ni leh ringawt thin a ni. He thil hi kan ram pawisa enkawlna Financial management-ah black spot engnge ni, a mimal bikin tumahin mawhpur lo mah ilangin a State anga a kang dum lai miten an rawn thlira a fel lo lai hi a ni fo thin a. Tunah pawh hian a zavaia kan han lakkhawm chuan heta kan appropriate tura hi keini State tenau Revenue nei lo tan chuanin a sang em em mai a. Vaibelchhia hlira chheh 1607 crore an ti ta a, dhu chu Vaibelchhia hlira chheh, chheh 1607 leh nuaih 7,74,562 hi kan han appropriate dawn a ni a. He laiah hian ngaih-dan hrang pawh han nei dawn ta ila, thil kal vek tawh anih si avang khan thil tih chi pawh chu a ni lehtawh chuang lowa. Hemi kan sawi deuh hlekna chhan hi chu tunah hei, tun Sorkar hian a bul a tan chho a, kan House Leader zahawm takin a sawi angin, kan Financial air lock te pawh Central in min namnul sak a. Tin, keimahni fairel bel ami kan ei tan dawn e tih te kan lo hria a, a hlimawm kan ti a. Hetih rual hian kan zavaia tan Financial management chungchang thu ah theih tawp kan chhuah a, hetiang ang excess expenditure a hnu lama va regularise leh ngai, MLA pawh a then te chuanin kan nih hma ami te pawh a ni anga, tiang ang thil a hi tun hnuah a

tlem chhoh theih tawhna tur atana thinlung siam a, hma kan lak tlan hi a pawimawh tak zet a.

Tin, hei hlimna tak pakhat nichinah khan kan sawi lang zawk tawh a, tunah hian ka ril-rua awm chu Pu Speaker, helai session-a kan thil sawi te, Opposition lam ami emaw, ruling lam ami emaw uluk taka min ngaihthlak sak in ram tana thil tha tur nia i hriatah chuanin chak takin hma i la chho a, nimina kan Rules laid down takah khan heng ang tih tlemna tur hi pawimawh luuk tlat mai a rawn chhuak chho dawn ta hi lawmawm ka ti a.

Tin, subject Committee dinhmun i rawn reform chho hi lawmawm ka ti a. Hemi ti tlem tur leh hetiang anga kan kalhmang fel lo chingfel tur hian a chhandamna awmchhun a chu, kan Budget-ah hian work Programme mumal khawimaw lai Official level ah emaw, anih loh leh Ministry level ah emaw a, duh zawnga hetia vote leh ngai si mahse vote ni si lo. Expenditure siamna a tam lutukna khan heng hi a hring chhuak a ni a. Tuna Work Programme kha statutory requirement a, kan budget ah hian department tinah a rawn tel a. Allocation hi Member ten kan hriat chian chuan chumi piah lamah subject Committee-in khami kha a scrutinise-a. Khami a siam that lai huna a tul dan anga he House hianin concensus-a chung chu kan siam theih hi chuan hetiang anga kum li kum nga kal tawh a, cheng vaibelchhia a sang tela kan va sawi theih tawh si loh, va regularise-tu nih hi a tawp anih loh pawhin a pawisa hman dan hi a lo mumal dawn a ni.

Chutak chu vawiina ka han sawi chhuah duh lai chu a ni a, a hmalam zawng kan thlir hian thil kalhmang mumal lova tih anih avang hian Ministry level ah te khan hemi a neitu Assembly House-a hi rawn leh tawh chuang si lovin, supplementary thil ah te supplementary-a lang reng reng lo ways and means lak atanga pawisa hman atang te, kan budget-a lang si lo kha a lang chho thin a. Kan Bill pass tur leh appropriation kan pass tur hian kan thinlungah chumi lesson chu siam selang kan zavai-ah hian. Tichuan, hma lama kan hruaitu ten an lo tih fel tawh loh atang hian thil fel zawk kan zir chhuah theih na tur atan hian hei hi a tangkalin ka ring a. A object zawng nilovin hmasawna kan nei thei dah lawm maw tih rilru puin hei hi ka rawn sawi a ni. Pu Speaker uluk taka nangin min ngaihthlak sak a, Member ten min ngaihthlak sak bawh avangin ka lawm tak zet a ni e. Ka lawm e.

S P E A K E R

: Awle, hei kan hun pawh a tawp tep mai a, tunah kan Chief Minister kha pass dil mai turin kan ko thei tawh mai lawm ni ? Anih leh tunah pass han dil sela.

PU ZORAMTHANGA  
CHIEF MINISTER

: Pu Speaker, The Mizoram  
Appropriation No.4 Bill  
2000 Rs vaibelchhe sang  
khat zaruk pasarih, nuaih  
sarih, sing 74562 heng Financial Year 93-94, 94-95,  
95-96, 96-97, 97-98 chhunga hman hemi regularised na hi  
he House zahawm tak hian min pass pyi turin ka rawn dil e .

S P E A K E R

: Tunah kha kan C.M. in  
pass a rawn dil a, Mizoram  
appropriation No-4 Bill,  
2000 chu pass remti apiang  
in 'Remti' ti ula, pass remti lo apiangin 'Remti lo' ti  
ula.

Lungrual takin Mizoram  
Appropriation No-4 Bill, 2000 chu kan pass ta a ni.

Hei kan hun a tawp chiah  
chiah a, kan chawl anga, xx Dar 2 ah kan lut leh dawn  
nia.

Meeting Adjourned. - 1:00 P.M.

S P E A K E R : Kan Business kan kal hmain vawin lama kan han pass tak Pu Lalrinchhana Mizoram Tenancy and Government Land Settlement Bill,

2000 chungchang thuah khanin thil han sawi lawk ngai a awm a. Kha kha helai House atanga kan tih tak anih avangin kha Select Committee ah refer nise kan ti a. Select Committee kha din a ngai ta tihna a ni a. Kha Select Committee din kha House hian a din tur a ni a. Chu chu engtin nge helai hian a Committee turte kan in ruat ang nge ? din turin engemaw tin kawng dang kan zawng ang tih kha House hi han rawn che u ka duh a.

FU H. VANLALAUVA MINISTER : Kan Speaker, kutah dah mai ilangin Select Committee kha, Kan Speaker, hian lo siam mai selangin tih hi House hian remtih  
pui ila a tha lawm ni ? tih kan rawt a ni.

FU ZAKHU HLYCHHO : Pu Speaker, tuna kan Member zahawm tak rawtna kha ka rawn thlawp duh a. Maherawhchu, ka rawn thlawp rualin helaia kan sawi ang khan party tinte kan represent theihna tur lo thlir tel deuh sela tih kha kan ngen tel duh deuh hlek a, kha Select Committee ah khan.

S P E A K E R : Anih leh, nia helaia han in ruat kha rin aiin a har a. Committee dangte pawh hi House pawmpuinain Speakerin a din thin ohu a ni a. Tunah erawh hi chuan hei kan problem kan hria a. Kan vaia lung-rual tlanna tur zawnchhuah tum a ni a. Party tin atanga ti mai ila, helaia group tin atanga aiawh tha tawh kan indah kha chu a ngai hrim hrim mai a. Kha kha chu thil chiangsa ah ngai ta ila, tichuan anih leh Speakerin ka lo din mai dawn em ni ang? Aw, chuanin Speaker pawhin a Minister in-charge pawh a rawn a ngai ang a. Tunhna atanga thil lo kal tawh famkin zawk theihna turin. Anih leh chutiang chuan i ti mai ang aw.

FU ZAKHU HLYCHHO : Pu Speaker, kan member zahawm tak rawtna kha ka rawn thlawp rualin helaia kan sawi ang khan party tinte kan represent theihna turin lo thlir fel deuh theise tih kha ka han rawt duh a.

S P E A K E R : Tunah chuan kan Business ah kan kal ang a. Pu Lalrinchhana Revenue Minister in The Mizoram Regulation of Animal Movement Bill, 2000 a rawn thehlut a, He House ah hian introduce han dil sela.

FU LALRINCHHANA MINISTER : Fu Speaker, he bill hi chu Animal Husbandry and Vety nihna atang zawk a, kan rawn kalpui a ni a, chuan Fu Speaker, he The Mizoram Regulation of Animals Movement Bill, 2000 hi he House ah hian introduce ka rawn dil e. Fu Speaker, i rem tihna leh House phalnain The Mizoram Regulation of Animals Movement Bill, 2000 hi ka rawn pulut e.

S P E A K E R : Move turin Minister in-charge i sawm nghal ang.

FU LALRINCHHANA MINISTER : Fu Speaker, ka lawm e. The Mizoram Regulation of Animals Movement Bill, 2000 vawiinniah move theih a ka awm hi lawmawm ka ti a. He thil hi Burma atangte Bangladesh atangtein Mizoram chhungah mihring ranvulh kan sa ei tur chi Bawng te, Vawk te, Kel te, Ar te leh thil hrang hrang rawn lakluh a ni thin a.

Heng Mizoram a rawn lut te hi ran hrisel anih leh nih loh enfianna leh lo check letna a awm loh chuan ransa chi hrang hrang an rawn lakluh ah hian ran hrisel lohna hri Mizoramah an rawn pulut a. Mizoram chhunga kan rante chungah hian ran natna chi hrang hrang hi a rawn thleng a.

Tin ran chungah natna an rawn thlen bakah heng ran natna hian mihring a sa eitute pawh natna min rawn thlen thin a.

Mizoram hi ram thiang kan nih avangin hmundang atanga ran lakluh loh anih hi chuan ransa kan ranvulh te ho hi an hrisel viau thin a. Hei thingtlang ah chuan kan hriain ka ring a. Aizawl leh hmundang atanga Ar te hi lakluh anih loh chuan, khawchhungah Ar vulh a awm ngai mang lo a ni. Amaherawhchu, hmundang atanga rawn lakluhemaw mihring kha hmundang atanga khatiang hri vei te an rawn luh emaw hian khawchhungah Ar pul hrite pawh hi an rawn thleng te thin a ni. Chutiang ang a ni a. Mizorama ran hrisel lohna lo awmna bul hi hemi ramchhung atanga lo chhuak hrim hrim ni lovin State dang leh ramdang atanga rawn lut hi a ni a.

Tunah hian Mizoram chhungah hianin Bawng hi a sing telin kumtin kan la lut a, Vawk pawh chutiang chu a ni a. Ar pheichu a nuai telin kan la lut tak tak a ni. Hemi avang hianin Mizoram chhungah ran hrisel lohna hi a rawn thleng ta a ni. Chuvang chuan heng hrang hrangto hi kan ramah tikhiana a awm theihna tur leh sa hrisel zawk kan rama kan ei theihna turin. He Animal Movement Control-na bill hi, hei hi kan rawn buatsaih a ni a. Hemi ina a kalpui dan tlangpuiah chuanin point pawimawh hrang hrang, khawchhak atanga a rawn luhna te, khawthlang atanga a rawn luhna te, hemi India ram State hrang atanga a rawn luhna te, heng hrang hrangah hianin kan siam anga chumi hmuna chuanin Vety Doctor te an awm ang a, chung chuan ran an rawn lakluh tur reng renga kha an hriselna a tha em tih an lo ensak dawn a ni. Tichuan hriselna tha an

nih chuan anmahniah chhinchhiahna an siam ang a, Certificate an pe ang a. Tichuan Mizoramah hian an rawn la lut ang.

Amaherawhchu, hrisel tawk lova an hriata chu thawnkir emaw anih loh vek leha helaiah hianin in in enkawl dam phawt ang. Chumi a nih loh chua. Mizoram chhung hmun dangah lakluh kan remti lo tiin an lo dang tlat dawn a ni. Tichuan an rawn lakluhate kaltiang tura an tih a kha chu chiang takin kha ranah khan chhinchhiahna an chhu ang a. Tin, record fel takin an siam bawk ang a, chu record copy chu check post a kan Officer te khan an kawt ang a, a ran neitute khan an kawt bawk ang a. Khatiang ang an ran an lo check a an lo exam na fee erawh kha chu chawitir tur anni ang. Chutiang ang chuan tunah hian kan enkawl chho a. Hentiang ang a kan control chuanin Mizoram a kan ranvulhte hi an lo hrisel ang a, hrisellohna rawn pulut tu turte kan dan chah chuan ran hrisellohna bik lo pung zel hi a ti kiang thei dawn ani.

Chutiang bawkin mihringin a ran hrisello kan eina laka bawrhawmna rawn thlengte hi tihkianin a awm bawk dawn ani. Chutiang ang thil chu anih avangin he Bill hi a pawimawh em em a, kan hrihin kan hre bawk a. Heng hi kan zavai a kan duh em em tur chi leh tihran tur chi niin kan hria a. Tunah hian khatiang ang tihna tur points pawimawh hrang hrangte pawh kan hria a, ruahman leh tihmekin a awm a. Amaherawhchu, he dan hi House hian kan la pass si-loh avangin duh angin thil a tih theih lova, chuvangin, he dan hi kan pass fel chuan check gate fel takin kan siam ang a, a thawktu tur pawh kan in dah fel ang a, ramchhunga ran lo lut reng reng hi a hrisel leh hriselloh kan enfel vek ang a, a hrisel chauh Mizoramah lut turin kan buatsaih ang a. Mizorama kan rante hi Mizoram chhungah ran hrisel sa kan ein ran hrisellohna thil pawh hi tihkianin alo awm thei dawn ani.

Chu chu helai kan Bill in a tumdan tlangpui ani a, he thil hi kan ram tan thil pawimawh tak nia kan hriat avangin vawinah he House hian thahnemngai taka sawihova lawm taka kan pawmtlan ka duhin ka rawn move ani e. Ka lawm e.

S P E A K E R : Minister Incharge-in a rawn move ta a. Thil tha lam ani a. Sawidih nei tan pawh sawi theih ani tho va. Sawi vak lo pawhin Pass thei ila chu a tha viau bawk tho va. Sawi duh nei tan Minute 5 emaw han inpe ila. Col. Lalchungnunga.

....106/-

Col. LALCHUNGUNGA

: Fu Speaker, Regulation of Animal Movements Bill hi a tha hlein ka hria a. Kan Minister pawh hetah hian ka compliment

duh a. Uluk takin an study tih a chiang hle a. Han thlir han thlir hian ngunthluk taka thil tih ani tih a lang a. Mahse, Point hnih/khat lek han sawi ka duh chu hemi pheh 19-naa Financial Memorandum atiha hmun 8-a check point an dah hi a tawk lo deuhin ka hria a. Manipur lam atanga ran lo lut danna tur hi a chiang vak lova. Ngopah emaw khian dahbelh thei ta selangin. Tripura lam atanga lo kal tur helaiiah hian a awm lo ani mai thei a. Mahse, lo kal zel turte hi kan hriatloh avangin Interstate kawngte kan lo nei h tawh siah chuan helamah hian a awm lova. Chuvangin, 8 aijin 10 hi ni thei sela. A expenditure-a a landanah pawh hian a fel em em a. Engkim hemi a siam hian Annual Collection hi 44.186 lakhs kan la nei dawn a, chuvangin hemi hun pahnih ah hian dah theih nise khawthlang lamah chuan ka hre chiah lova, hel chu awm thei sela chuan a kim leh ang tih chu ka ngaih-tuahnaah a awm a.

Tin, Page 8-na a 11 na hi

"Procutin or other 11 proceeding Setelle lie again any point of anything done or the intended to be done in good faith and the dis-act or the rules made thus" an tih hi a rum lutuk deuh em. Kan fu ndamental Rights hi tlein a tibuai deuh em aw tih a kha rilruah a awm a. Helaiiah hian good faith chhuanlam hian a chuhtu te hian an penalised thei ang a thil engkim hi an ti ang tih hlauhawmna a awm a, khin theih lohte anih si chuan. Helaita a hi a rum deuh em tih ka sawi duh deuh a ni. Kan check dawn takah chuan mipui hian kan tuar pah ang em kan sa men a tam pah ang em ? tih kha rilru ah a awm, helaiiah hian engtin nge a check dan turte tlema hriat chian tha in ka hria. A hriahfiah theih anih chuan hriahfiah hi a thain ka hria a. Tin, a lawmawm hle ang tih ka sawi duh ani.

FU F.B. ROSANGA

: Fu Speaker, ka hma amite khan ka sawi turte chu an sawi zo thawkhat tawh a. A hrim hrim-in kei pawhin han comment

ka duh a, he dan hi kan ram hian a mamawh a ka hriatna a rei tawh a. Nitina kan khawpuin a ran an talh leh sa kan ei ho hi kan State pawn lama tanga lo kal ani deuh vek mai a. Eng ang nge annih ? an hriselna lam endikna awm miah lo hian tihian kan ei mawp mawp a. Chuvang chuan hengte hi uluk deuh a finfiah a tih nise a tha mang e tih hi ka lo ngaihtuah ve tawh a. Hetianga kan Ministerin a ruahmanna fel taka rawn siam chhuak hi a tlangpui thuah

chuan lawmawm ka ti a. A chhian pawh ka chhian tam viauva, a tha tlangpui a. Comment kan tih ve maia chu, hemi financial Memorandum ah hianin Border hrang hrang International State Border atan heta check post an ruahman ho hi pariat an tarlang a. e.g. Burma lamah chuan a khar tuat viau lain a hmar lamah Hnahlan hi a va tawpna a ni a. Mahse, Hnahlan atanga Mimbung inkar zawng hi a ruak ta thung a, khilalah khian a lo lut tam viau bawk a ni. Manipur atangin Truck in an rawn phur lut a. Hemi buatsaih tute hian an hriat hmaih palh ani mai thei a. Khimi Burma Border, Hnahlan atanga hmarlam Mimbung inkar zawng hi Manipur atanga Truck a an rawn phurhna khi, Ngopa ah emaw hian hemi Check Post hi dah ve nisela. Khilam Burma ram, Mizoram hmarchhak kil atanga lo luh theihna leh Manipura lo luhna kawngpui kha seal hmiah a, chu chu a pawimawhin ka hria a, hei hi chu tihbelh ngei ngei chi niin kan ngai deuh a.

Tin, ka hmaa sawitu ang khan Tripura lam atang pawh hian an lo lut ang tih pawh hi ring bawk ila. Financial implication han en han en hian a senso pawh a tam bik lutuk lem lova, a check post pakhat tihna turin. Amaherawhchu, a nghawng tur mipuiah leh chhian kan lakluh turte pawh han en hian sensona tlak ani vek ani tih pawh a hriat theihin ka hria a. Chuvangin sawithui vak pawh a ngain ka hre lova, a pass theih niin ka hria a, chung chu kan sawi ve duh a ni.

S P E A K E R : Pu Lal Thanzuala.

FU F. LAL THANZUALA : Pu Speaker, helai point pakhat chauh hi han sawi ve ka duh a. Nichina Member zahawm tak pakhatin a sawi kha han sawi nawn ve leh ka duh a. Phek a na, 16-nash khanin khilai "Protection for action taken under this Act" a ti a, "No suit, proccesution for other legal proceedings shall lie against any person for anything done or intended to be done in good faith under this Act or the Rules made there under." tih hi han chhian hian a mak viau a ni. Khalala an thiltihnaah khan thubuai pawh kha a awm thei dawn ta lova, a titu kha a him em em nghal ringawt mai a.

Hei a dik takin han sawi ta ila, tuna kan dan thar neih tur hi a that em em lai hian mihring chak lohna lam atangin corruption nasa duh awm



theihna ani dawn ani. Bawng an rawn kai hum hum ang a, a hrisel a hrisel lo ti tu tur leh a rawn kaitu inkarah khan thil tam tak a awm dawn ani. Khalaiyah khan mihring kan nih chuan kan lo chak lo thin a, thil engemaw uchuak alo awm thei dawn a ni a. Mahse, he dan hian kang zawng zawng kha a veng ya vek mai a, thubuai siam theih lohvah a ti tawp mai a ni, hei hi chu Justice kha a awm lo deuh tlat a ni, helai dan hi chu a duty hote tan a him ta pial a, engti pawh khan pawisa an lo demand tam deuh emaw kha a veng ta vek mai a, a vendan hi a lutuk deuhin ka hria a. Amaherawh chu, han suggest tur chu ka hre chuang lo na a han chhiar han chhiar hianin a lutuk deuh a ni tih tur chu ka hria. Kan han practise mah ang a, mihring chak lohna atang khanin khami ran a hrisel hralh theih leh theih loh inkarah helai a lo endiktute leh a ran rawn kaitute chungah khan insiam remna a chhuak ngei ngei lovang tih hi kan sawi thei lo a ni. Chutiang karah chuan helai dan a lo awm si chuanin en him ta lutuk a, hei hi chu kan en kan en hian Pu Speaker, a dik lo deuh hlek emaw chu aw ka ti a, han sawi chhuah ve ka duh a ni, ka lawm e.

FU R.LALZIRLIANA

: Pu Speaker, han sawi teh vak tur chu ka hre-lova, mahse, helai sawiho tura an tih tak ah chuan kan sawi ve mai mai

ang e. The Mizoram Regulation of Animal Movement Bill, 2000 kan ngaituahnaah hianin ram pawn atanga ran lakluh khuah-khirhna dan a ni ber mai a. Mizoram chhunga ran awmsate khuahkhirhna dan a tel ve loh avang hian ram pawn ami chauh kha ran hrisel lo kha an ni dawn lo hian ka zu hria a. Mizoram chhungah pawh Vawk pul te, Bawng ke na te tam tak mai a awm ve a, chuang chuan a ram pawn ami chauh lakluhna khuah khirh a, a chhung ami khuahkhirhna dan a awm si loh kha chuan a tha tawk angem aw tih kha ka ngaituah deuh a. A rules lamah te an ti dawn nge ka hre lo a, Ui te Mizoram chhungah kan han tawhlut a, buara ah te an dah a, Motor ah te an hlang a, tiang khan mihringte nen kan inchiyahpiah nuaih mai a. Hetiang te pawh hi a hrisel lo fu tho tho mai a. Chutiang zawng chuan ngaituahna ka lo nei ve deuh mai mai a. Tichuan hei section 3 a pathumna te ah hianin, "for the purpose of examination of Animal and restriction of liberal movement, trafficking of animal" a ti a. Hemi chungchangah hian point pahnih khat lek han sawi ta ila, Restriction of liberal movement and trafficking of animal tih hian ram sa zalen taka zawrh leh tawh ve hi a khuahkhirh dawn a ni a, tun dinmunah kan tlin ang em tih kha ngaituahna thui tak min neihtir a.

Tiang chuanin Bawng ah te, Vawk ah te, Ar ah te kan la intodelh tak tak lova, khatiang khanin khuahkhirhna lo nei ta ilangin, lo khuahkhirh tlat ta ila. Restriction tih hi an hmang uar hle a. Chutiang anih chuan wawinniah patlingin Bawngsa leh Vawksa 1Kg man pawh kan hlauh zo tawh lo a nih lai hian, kan ni hnih hlauh vel hian Vawksa leh Bawngsa 1Kg hi a lei zo tawk mai a nih chuan

mitethei te hi kan retheihna hi a zual zel dawn emaw ni ang aw tih te min ngaihtuah tir a. Tichuan, hetiang hian ngaihtuahna ka nei a, a bill hming regulation a ni a, he a bill hming ang hian Mizoram ran tawhlhuh hi regulate mai ni sela, awmze nei deuh a thunuh mai ni sela. Chu chuanin a bill hming pawh hi a puchhuak zo zawkin ka hria a. Chuvangin restriction tih tawngkam lo lang chhin hi a ngaihtuah pawimawh awm hlein hriatna ka nei a.

A pahnihaah chuan, Mizoram atangin ransa thawncchhuah tur, hetiang regulate-na hi siam ve law law a thain ka hria a. Vawiinniah hian alakluhna dan leh khuahkhirhna dan chauh kan siam a, he dan hian Zoram a mite kan sa ei chungchangah kan intodelh lohzia a tilang Chiang lutuk deuhin ka hria a. Tin, dan hi chu rei tak hman tur a ni a, vawiinnia kan dah siam tur Bill kan ngaihtuah mek pawh hi tun atanga kum 40/50 ah te lo chuan thlak danglam leh pawh a harsa viau ang a. Chuvangin dan awm reng tur anih chuan vawiinnia kan intodelh lohna leh thawncchhuah tur kan neih lohna pawh hi inthlehrung lutuk love thawncchhuah tur kan neih ve hun atan pawh he dan hian provision engemaw section rawn keng ve law law se a tha hlein hriatna ka nei a.

Tin, pathumnaah chuan section 7-na (e) ah hianin Director hi a rawn ti thu hle mai a, he bill chang loah pawh hianin bill kan ngaihtuah a, chu bill kan pass hnu chuan dan a lo ni tawh a. Chu dan hnuaiyah chuan Rules siam tur hian Department te hi pek a ni zel a. Chu chu a tha tawh lo hlein ka hria a. Anmahni hman tur Rules an siam leh kha diklo viau hian ka hria a. Chuvangin, Sorkar hian Section 18-naah hian Sorkarin Rules chu a siam thei ang tih a ni tho tho bawh a. Sorkar hian Rules hi siam law law sela, anmahni a execute tu tur ten an thiam zawng leh an lo lungdum ang zawng ringawt a rules siam lovin Sorkarin Rules tha tak siam sela, chumi hnuaiyah chuan he bill chang loah bill dangah pawh hian Sorkar hi a kal ngil thei zawng ang. Dan tha tak hnuaiyah a execute tu te khan chu dan chu lo zir hovin. chu dan hnuaiyah chuan hna thaw: selangin a tha thei zawng lawm ni tih thuah chu chu ka han sawi chhuak ve a ni. Pu Speaker, ka lawm e.

S P E A K E R

: Pu F.Malsawma.

PU F.MALSAWMA  
MINISTER

: Pu Speaker, kan ngaihtlak tawh ang khan a rawn pulut tu Minister leh a Department hi ka congratulate duh a. Dan siamtu

kan nih ang hian dan siam lamah tuntum phei chu hei kan Session ah kan Revenue Minister leh Vety Minister in a rawn putluh te kan sawi a. Hei hi an champ berin ka hria a, a lawmawm hlein ka hria a, Department dang pawhin dan siamah entawn tur a awmin ka hria a. Tuna kan ngaihtlak ang khan a hik takin Treasury Bench lam ni lo atanga thu tha tak tak

Venna thilte lo chhuah kha a lawmawmin ka hre bawk a. Helam atanga Opposition. . . thahnem ngai taka a bawl lai lo zawngtu awmluh hi chuan thil a fel mawh viau thin a. Chung ang an han sawi chhuah te pawh kha a vanneih thlakin ka hria a. maherawhchu khang ang te pawh kha tunah a tlang-pui thu chuan duhthu khalaish khan ven fimkhurna tur a awm deuh a ni lo maw tih ang deuhin ka lo la a. He Bill hi kan pass mai hi a thain ka hria a. Kan ram tan a tul tawh em a, hei tunah hian kan hriat angin Doctor pakhat phei chuan U.T. kan nih hnu atanga Mizorama B.F sang te, Lung na te, Ruhna te tam tak thil natna lo awm hi kan ran ei kan fimkhur loh leh ran hrisello kan ei tam hi a ni ang tih awiawm tak-in a sawi nghe nghe a. Chu chuan kei pawh min hmin hle a ni. Heng ang hi kan mamawh takzet tawh a, chuvang chuan tuna kan han ngaihtuah thenkhat kha a dalna aten nilo selangin pass mai kha a thain ka hria a. A bik takin fimkhur ngai lai a kha hemi in good face-a Veterinary Doctor ten an lo check-na ah khan Mis-use of Powers khat leh position kha a awm palh thei ang tih erawh kha chu thil awm thei a ni. Dan reng reng hi theih ni lo ang tih pawh hi a lehlamah hian kawngkapui khar a nih pawhin a tukverh lam hi chu a hawn ve theih fo bawk thin a. Chung avang chuan a thiltih a kha challenge thei lo mahse, in good face a tih a nih chuan tih lai a kha. In good face a tih anih leh ni loh kha chu a la challenge theih tho tho a ni. Chuvang chuan hei hi khar vek ang chuan ngailo ila, In good face a tih a nih loh laia kha a Act of Commission laia kha ni lovin In good face a tih leh tih loh laia kha chu a challenge theih tho tho. Hlahthawn tur ah ngai lo ila, a hnawk ta viau a nih chuan nakinah en-nawn theih tho tho a ni a. Hei hi mihring kan ni a, famkim lo kan ni a, a tha zawk tur kan hria a nih chuan thil a han kal phawt ang a, a tha zawk turah chuan hma kan la leh mai tur a niin ka hria a.

Tin, chu bakah High Court-ah leh Supreme Court-ah hi chuan engmah hi challenge theih loh a awm lo hrim hrim mai a ni. Hei hi a challenge theih vek a. Mi constitutional Right leh Fundamental Right zawng zawng kha hei hi lo humhim tu tur an nih avangin Court sang hi appealed body ringawt nilovin original Jurisdiction an neih avangin hetah hian a kal theih hrim hrim hetiang hian lo siam pawh ni ilangin, chuvangin court tenau zawk dangah kha chuan in good face a tih a nih leh nihloh lai zawka kha a theih tho thova. A thiltih bik laia va luh ma khan helai kha chu daltuah hmanglo rih phawt mai ilangin. A lo dik ta lo ngang anih chuan a Department pawn tha an ti chuang miah lovang a, Sorkar pawhin. Chulai chu a venna dan kha a hranpa a awm tho tho a ni tih hi hre ta ila.

Tin, a dang lebah chuan ram chhunga hemi Saitual bialtu zahawm takin a a han sawi ram chhunga hemi a lo ran hrisel leh hrisel lote ei leh in lama check tu tur tan te pawh khan dan fel tak hi duan chhuah nise han tihte pawh kha. Hei hi chu a awmsa reng tawh turah kan ngai ngawt a. A chhan chu Doctor ten Bazar ah te an check fo tawh thin avangin. Khang kha chu a awmsa tawh anih ka ring a. A Changtu Ministerin nakinah hei hi chu a la rawn sawifiah mai theih ka ring a. Kha kha daltu nilo sela. Tin, duhthawhna

thilah han regulate ila. Kimchang deuhin thildang zawng zawng te han tih pawh kha a tha vek a ni. maherawhchu, hei hi restriction han tihte pawh kha thil kan regulate dawn chuanin khuahkhirhna chin kha a awm a ngai a. Khuahkhir ngai a awm chuan khuahkhirh lovin thil a lo awm thin a, a pawl a. Khuahkhirh ngain thil a lo awm ta a ni tih kha a rawn tichiang a. Chuvangin Pu Speaker, sawi thui tehchiam lo hianin lungrual takin pass mai chi niin ka hria a. Kan thlai hi leitha han peka han chawm tur atan phun phawt mai a a nun kha a ngai a. Chumi atan chuanin he bill hi han pass phawt mai ilangin. Tichuan kan mamawh a tul kan tih theuh hi han thawk phawt selangin, a lo fakim tawlo a awm anih pawhin Department in an hai hauhlo ang a. In rawn siam tha leh mai ang a. Keimahni vek pawh hi a siamtha leh theitu kan ni a. Tunah kan mamawh ngawih ngawih anih avangin tih khawtlai a chi tawhlo em em avangin pass ilangin. Han duh thawh deuh ila, naktuk nilengin Legislator ho kha kan in khung leh dawn a. Thil kan la zir leh tlah tlah dawn a ni a. Chuvang chuanin vawin te phe chu thiltih tur tam tak kan nei ang a, a rang thei ang hian zo thei mai ila a tha lawm ni tih rawtna kan siam nghal a ni e, ka lawm e.

**FU SANGHMINGTHANGA H. PAUTU:** Pu Speaker, ka hma a an sawi ang khan tawngkam tlemte han tih belh ve zawk ka duh a, hei kei pawh kan en vat vat thin a, fakawm hlein ka hria a, Minister leh Department hote. Tin, hei hi ka ngaihtuahna a rei tawh a, 'Sa' hi kan duh viau rai a, sa hrisel lo, laymen tan chuan ni hian kan hre ve ngawt thin a, tin, Bazar ah phe saw chuan a chang chuan ran thi te pawh an zuar a nia. Hetiang te pawh hi kan check ngun a ngai viau a, chutiang chu thil awm a ni ngei a.

Tin, a bik takin, hemi pawnlam atanga ran lo lut a hrisel leh sel loh te hriat a tul hle. Hman lawk ah khan England leh Europe ram ah te chuan Bawng engoni laymen chuan ka zu hre ve reng ta lova, mihring tana hlauhawm natna vei, a maktaduaih tela an tih hlum tak ang chi te kha a awm a ni a. Chuvang chuan hetiang laka venna, keimahni mihring hriselna tur lampang atanga an rawn vei ni a ka hmuh avangin ropui ka ti. Chulaiah chuan kan comment duh a, a thatna lamah.

Tin, nichina ka hma a an sawi ang khan hetilaia, kan member zahawm tak, pakhatin a tih ang a, hemi han hlauhawm thei kha a dik khawp mai, engemaw palh a thil awm thei anih chuan, mahse, a language ah chiah khan, sawi tak ang khan "In good faith" a ni kher a, in good faith a ni lo a ni tih beyond resonable doubt a provcd anih phawt chuan court ah hian khin theih loh anihna tur kha a awm miah lova, helaiiah khanin. Chuvang chuan khati laiah chuan a hlauhawm lovah kan ngai ngawt a ni. Khalai an rawn point out kha tha hlein ka hria a. Tin, hei nichina Ngopa bialtu zahawm takin, a rawn sawi ang khan hemi Hmarlampang hovah hian check gate awm love a han tih pawh kha a dik viauva, han en khan. Hei Darlawn lampang Ratu tlangdung te sawlam Tipaimuk ang

atang te pawh. Amaherawhchu, khangtiang te pawh hei venna a awm ve vek thova. Chapter-II ah khan section 3 sub-section sub-clause 3 ah khan international border leh interstate border ran khami rawn lakluhna tur check gate te chu Departmentin an siam thei ang tih kha a awm tho mai a. Chuvang chuan khatiang chite, kha lo te pawh kha khawimaw laiah, khawthlang lamah te pawh kan la duh mai thei nawk a. Tiang ang chiah chuan a Department lampang hi hei thuneihna a rawn pe zau thova. Chuvang chuan harsatna awm lovah kan ngai a. Sawi tak ang khan nichina a hma a an rawn tih ang khan member ten an rawn tih tawh ang khan keipawh helaiah hianin han pass mai ila a tha mai lawm ni ka ti a. Hei, keimahni hriselna tur thil a ni a tih kha ka'n ngaihtuah ve dan a ni a. Hriselna kan ngai pawimawh em em a, kan ei a, kan fimkhur loh avangin kan nat tam tak hi a awm a. Chumi avang chuan hei ran bakah pawh thlai te thlengin tiang ang hian kan fimkhur a ngai tawh tawh a ni tih kha kan sawilang duh tel a ni. Ka lawm e, Pu Speaker.

Dr. LALZAMA

: Pu Speaker, hun min pek avangin ka lawm e. Tuna kan ngaihthlak ang deuh khanin he bill hi kan hmuh atangin a lawmawm ka ti a.

Kan ram tan hmasawna ke penna, hmasawna ropui tak niin kan hre nghe nghe a. Chuvangin, vawinah lungruah taka kan sawi theih theuh ka ring a. Ka hma sawitu te pawhin a thatzia an sawi a, lawmawm ka ti a. Hei tunhmain Ar pul ka'n hriat ngai loh kha kan ramah a pul a pul ta mai a. Bawng ke na, Vawk na hri te emaw kan hre theuh ang a, heng kan hriat ngai reng reng loh khatiang hian a awm a awm ta mai a ni. Chuvangin heng zawng zawng kan fihlim theihna tura ke penna hmasawna ropui tak niin a lang a. Chuvang chuan hma kan sawn ngei ang tih a rinawm a. Leh lamah chuan corruption chu a hring ang tih pawh kha ni deuhin ka hria a. Amaherawhchu, khawiah pawh hian thilawm thei a ni a. Tin, Mizoramah pawh Motor kawng te a lo lut a, a tha em em a. Chutih lain Motor a accident ta a. Mi an thih phah ta a, Motor kawng lo lut hi a tha lo a ni, tih ang deuh a ni ve thei bawk a. Chuvang chuanin thil tha tak a niin ka hria a.

Tin, hei, Pu Speaker, kan bill ah hianin Statement of object and reasons tih lam pawh kan an hianin thil duhawm hlein kan hriatna chu natna, ran atanga natna awm mihringah kei theih a nihziato pawh kha a rawn tarlang a. Chuvangin chung laka kan fihlimna tura a lo nih si avangin hei hi thil pawimawh tak mai a ni.

Tin, chu bakah chuan helaiah hian Financial Memorandum pawh kan han thlir chuan expenditure involve a kha a first year ah chuan 132.14 lakhs tih kha a ni a. Tichuan a hun lo kal zelah kum tinin lakhs 18 vel kha a lo ni thei a. Hemi kan tarlan duhna chhan chu State Revenue aten pawh hianin tha ve tham tak pawh a lo ni ve dawn a. Chuvang chuanin hengte han thlir hianin a lungawi thlak viauvin ka hria a. Hetiang chiah chiah te phei

chu a ni hauh lo ang a. Maherawhchu, a vel awm anga a rawn chhut atang hianin tih puitlin awm tak a ni nghe nghe a ni. Tichuan hei kan ramah hian hma kan sawn theihna tura kan sum lakluh pawh a lo nih bakah kan hriselna kawngante pawh hma kan sawnna tur tak mai a ni te pawhin a lang a, ngaih ngam tak Bazarah te pawh kan lei theihna turin a ni a, tih hian han ti phawt mai ila a thain a rinawm. Nichina kan han ngaihthlak ang khanin a rules chu siam a la ni ang a. Vawi khatah fel vek thei lo mah sela, ennawn leh zel theih a ni a. Chuvang chuanin heng hi thil tul tak niin ka hria a, lungrual takin he bill hi pass ila tih kan rawt a ni e, ka lawm e.

FU H. LALTANFUIA

: Fu Speaker, ka lawm e. Kan sawi hmasak duh chu tuntum Session ni 2 chauh kan han neiah hian kan Minister te zinga pakhatin

bill 2 (pahnih) a rawn pulut thei hi a fakawm ka ti tak zet a. Legislator kan nihna angin dan siam kawngah hian kan duty hriat hi a pawimawhin ka hria a. Kan Revenue leh Vety Minister hian hna a thawh nasatzia leh ram tana hma a lak tamzia leh Department tana thahnem a ngaihzia a takin a tilang chiang hlein ka hria.

Tin, kan sawi leh duh chu Saitual bialtu zahawm tak Fu R. Lalzirliana leh Aizawl North-II bialtu zahawm tak Fu F. Malsawma, Minister zahawm takin a sawi tarlan tawh ang khan, he bill hi a fakim lohna laite thahnem ngaihna avanga an rawn sawi kha he bill han en phat atang khan ka rilruah a lo awm ve a. Maherawhchu, Aizawl North-II bialtu zahawm tak Minister khan helai ram chungga Animal Movement chungchang dan chu kan nei a ni lawm ni kha a ti a. Heivang hian Aizawl, Lunglei leh khawpui then then ahte chuan kan sa ei turte Doctor ten an check thin a, a lawmawm hle a.

Maherawhchu, chu bakah entirnan, thingtlang kilkhawrah Vawk pul hri a leng vak mai a. Chung Vawk pulte chu Aizawl thlenglo Vety Doctor te pawh thleng phalo, khaw dangah te va lak a awm thin a, hetiang chi hi Mizoramah kan tawh tam hlein ka hria a. A bik takin ka bialah nikum lamah Khawleh ah khian Vawk pul hri a leng vak mai a. Kan Vety hotute hnenah kan report vat a, an ni pawh chuan ngai pawimawhin an tlan chho nghal a.

Maherawhchu, N. Khawlek leh Vanbawng te chu khaw inhnaihte a ni a. Khawlek a Vawk pul hri kha Vanbawngah khan a rawn thleng hman tlat mai a, a sa pawh an ei hman a ni. Khatiang ang thil thleng tam tak a awm a, hei hi kan Minister hian engtin nge hmalak a tum dan tih hi a wind up-na ah tumdan a nei anih chuan min han hrih-fiah tel sela thain ka hria a.

Chumi in a a rawn thailan a chu Pu Speaker, a relevant thoin ka hria a. Hei Mizoramah hian Vety Dispensary awma te, Vety Rural Animal Health sub-Centre awma te hi MLA bial thenkhatah hian a buk viau mai a ni. MLA bial thenkhatah chuan a vawng viau mai thung a.

Chutiang ang thil venna tur atan chuan Rural Animal Health Sub-Centre te, Dispensary te pawh hi zokhua lamah uar niseng. Dik tak chuan Zokhaw lamah hian ran vulh hi kan tam zawk nghe nghe a ni. A khaw kil-khawr khawrah hian ranbulh hi a tam viau a ni. Chuvangin a distribution a hi Rural Animal Health Sub-Centre te, Dispensary te hi Mizoram pumah hian rualkhai deuh zawkin kalpui theih ni sela. Chutiang anih chuan sa ei te pawh hi khawchhak tawp a ni emaw khawthlang tawp a ni emaw a lo hrisel tlang thei zawk ang a tih kha kei ka ngaihtuahna a ni a.

Chuvangin nakin zelah sum kan neih dan a zirin thingtlang kilkhawr zawkah te pawh khatiang khuahkhirhna dan a hi a taka kan lekkawh dawn anih chuan Zoram pawna lo lut mai piah lamah Rural Animal Health Centre te Dispensary te hi rualkhai zawngin i kalpui tawh ang u tih hi ka rawt duh a ni.

Tin, he bill hi kan en vang vang thin a. A tha tawkin a kimchang hlein ka hria a Opposition mite ka han thlir pawn sawiselna tur hi a vang viau a nia, tum ram rau rauah hian a chiangin ka hria. Chuvangin, entiran, penalty leh engkim fee an khawn dan turte, a form nen thleng Appendix an rawn siamthlap mai a. A changtlung viauin ka hria. Pu Speaker, he bill hi keipawh a ngai ang ang hian a tum ram a kawk chiang thova, ka hriat avangin pass hi tha ka ti a. Chutih rual chuan a remchang bowk a, Political Pressure avang ngawta tute emaw vang khawilai hiala duh theuh mai, Rural Animal Health Sub-Centre te kan nei thin hi a tha taw lo a ni. Rualkhai zawkin Zoram pumah hian i hmang tawh ang u. Ka lawm e.

PU K. VANLALAUVA  
MINISTER

: Pu Speaker, he bill hi kan kawl rei tawh hlawn a. Kan chhiar rual tawh hlawn ang a. A tlang-pui a tha a ngaih vek a ni a.

Kim pawh a kimchang viauwa. Vety Department rau rauah chuan an tihthat ber a niawm mang e aw tih theih a ni. A duty-na hmun tur hmun 8 hi kan an deuh bik a, keini ramri bul hnaia awmte tan chuan a Department te hian an lo in buatsaih lawk tur thil tam tak awmin ka hria. Vapheiah chuan Vety Officer kan nei sa ran mai a. Mahse, a awmse chu tongpui ngai tak a ni a, dan a awm hma pawhin hmang ta thut ila a rintlak ang em aw tih te pawh ngaihtuah tham niin ka hria a. Nichina Ngopa bialtuin a rawn sawi ang khan, lak belh tih a ngaih ka ring a ni. Kan hriat loh lam atangin leh a lar lo lam atangin a lar zual piah lamah hianin nakinah chuanin a lar lo ah hianin a lokal dawn a ni. Chuvangin a lar lo atang hianin

harsatna tawh turah ngaihna pawh awwm thei hialin ka hria. Ka'n sawi duh lai tak chu kan mitthla thin a. Tiau ral atangin an lo kal a, ze chuang chuang kha. Vaphai leh Tiau lui inkarah an lo duty ta a, khatah tak khanin duty te kha kawng hrang hranga in buatsaih a ngai dawn a ni. Doctor pakhat leh Peen mai kha chuan a ti thei dawn lo a ni, a chhan chu hmanni lawkah kan hria a, hel ve ve an in kap mai a ni. Khawbungah Land Use sem turin BDO in lakhs eng emaw zet Champhai Bank atangin a hawn phei a, khami hisap khanin Tuipui kamah chuan Sailulak leh Khuangthing inkarah khangho khan an thawm hriain an lokal vat mai a ni. Hetiang hi anih avangin Khawbung BDO in min rawn phone a, a zan a zanin Champhai S.P. ka phone a naktuk hianin chutiang chuan Land Use an sem dawn a khata tang khan Police tirh phei a va tha ve mawle ka va ti a, a tir phei ta a ni.

Ka'n sawi chhan chu khatiang ram kha anih avangin han check tura te hi mi lawmzawng sawi lo tur anih avangin a hma hi a hau tak em em a ni. Chuvangin, a inbuatsaih dan turah pawh hianin he an thil ziah piah lamah hian, a Administration lamah thil tam tak in buatsaih tur awmin ka zuk hriatpui a ni. A hna hi hna ralti ani dawn, chu chu lang theisa a ka ngaih a ni. Chuvangin, he Dan tha tak mai hi kan han hmang chho dawn ani a, kan duh fimkhur dawn si a, khatah chiah khan a hlawmin tunah Vaphai atanga lo kal ringawtin a lo kal dawn lo. Farkawn atang pawhin a lo kal dawn. Farkawn khan Vaphai a rawn paltlang dawn miah lo. Vaphai paltlang lovin kalna a awm a ni. Khatiang te kha ani dawn ani. Entirna pakhat chauh kan sawi anih chu. Khatiang kha hmun tam takah a awm dawn a ni. Chuvangin he Dan hi tha hle mahse, hautak zet anih avangin Department a in buatsaih nasat a tul hlein ka hre tlat a ni.

Chuvangin, Pu Speaker, he Dan tha tak mai pass tura kan inbuatsaih lei hianin, Minister zahawm tak pawh hianin a ngaihtushna a awmsa reng ni bawh mahseia, a rorelna leh a remruatna-ah hianin fimkhur tak leh awmze nei taka rem a ruat a ngain ka hriatpui a.

A thu hrimah erawh chuan heihi a tha em em a, tunhma atanga a sawi, mahse, puitlin lawk loh a ni a, chuvangin vawinah hianin he Dan hrim hrimah hi chuan sawisel tur chu a awmlo phei chu ani lovang. Sawisel tum tak-ah chuan, mahse, a tlangpuiin kan remin a mamawh em em mai, Dan gani a, tih ngei, pass ngei ila tha ka ti a ni.

PU Z.H. ROPUIA

: Pu Speaker, hei kan hrisel lohna Mizoram hi population han enin hrisel lohna hrang hrangin min tlakbuak tam hle



niin a lang a. Kan population hi a tam vak lova, amaherawhchu, ei duh hnam kan ni a. Sa ei hnam kan ni a. Kan ei/in chung-changah hian thianghlim zawk leh hrisel zawk ei dan tur leh inkhuahkhirhna dan ture hi fumfe tekin kan nei tha tawk lo hle niin waviinniah hian a lang a. Hetiang dan hi a rawn pulut a, a thlamuan thlok hlein ka hria a. Heng ang damlohna leh manganna phai lam thlenga pen ngei rum rumnate hi kan inkhuahkhirhna dante, kan inenkawlna dante, a bikin ken sa ei chungchangahte hien hma kan sawn a ngai hle niin mithiam ten an sawi thin a. Vawiina ruahmanna tha tek mai a rawn duang chhuak hi a engemaw zawnga sawi an awmlo bawkin ka hria a, a lawmawm kan ti tlang niin ka hria a.

Tin, chubakah a revenue earning zawng pawh hian han chhut ila, kum khatnaah chuan Nuai 114 lai seng turah kan inngai a, amaherawhchu, kum kal zel atanah chuan Nuai 18 bawr vela, in enkawl chho thei tura ngaih a ni a. Revenue te han lakluh theihna tur kan han ngaihtuah khan Nuai 60 vel kumtin lalut thei turah kan inngai baw a. Hemi a revenue point of view atang pawh hian a pawimawh hlein ka hria a, thlakhlela tlak niin ka hria a ni. Amaherawhchu, helaiah hian a tul ang angah chuan dah belh chhoh theih zel turah chuan kan han ngai a. Tuna Financial Memorandum-ah hian an rawn ziah lan loh hmun pawimawh deuh deuh hi nakinah Department lam pawhin lo enpui se a thain ka hria a. Line hrang hrang a awm a, International boundary ah pawh khawchhak lampang atanga ranho hi lakluh ani deuh ber a. Khawthlang lampang chuan min lo hrethiam sela, Khawthlang lam atanga lakluh ani deuh ber a. Hemi check gate kan siamna tur hmun pawh hi hemi a rawn luhna line a hi duhthusamin kan la dah tam tawklo, kan la ruahman tawk lova, amaherawhchu, Department lam pawhin min lo enpui reng a. Helaiah entirnanah, Chakhang lampang line a rawn lut te saw sawlaiah sawn ruahmanna kan siam a tul hle in ka hria a.

Tin, helam pangah Sangau-ahte khian kan dah a tulin ka ring a, tin, S.Vanlaiphai ahte pawh kan dah a tulin ka ring a, a chhan chu Sangau lam atanga lo kal lovin helam atanga lo kala Bualpui lam atanga lo kalte Police Check Gate len Thingsai check gate te pumpelh tura rawn kal pawl hi an awm thin a. Chuvang chuan heng ang an luhna line a hlawp hlawp an rawn lakluhna line ahi kan ngaih pawimawh zui leh a tha in ka hria ani. Chuvang chuan, waviin niah hian bul tanna tur ani a. Vaviin nia hman rum rum theih nghal tura mamawh kan nih avangin hei hi chu a rang thei ang bere pass hi chu kan mawh aniin ka hria a. Kan zavae atanah keimahni chhungkua leh kan unau kan thenrual kan zavaia tan anih avangin heihi a rang lama pass tha in ka hria a ka han ngen duh bawkin ani. Ka lawm e.

PU NIRUPAM CHAKMA

: Pu Speaker, kei chu midang sawi loh zawnngin ka sawi dawn a ni. Hei vawinah ram pawnlam atangin International Boundary leh Inter-State Boundary piah lam atangin lakluh kha kan sawi a ni a. Ka duhzawng chu a nilo a ni. Kan Sorkarin Self-sufficiency kan ngaihtuah lain lakluh lampang kan ngaihtuah chu a dik tawh lo a ni. Lakluh loh kha ngaihtuah zawk se the mai tur ania. Chuvangin, restriction siam kha ka duh zawk a ni. Ar te lakluhte chu, keini chuan production kan siam thei alawm, kan intodelh thei a. Cattle, Buffaloes, Horse, Mithun etc. production a harsa mai thei a. Thildang kha sheep, dog, cat, rabbit, poultry, other parts of all species, animal.....

...118/-

zawng zawng lakluh kha kan tum a nih chuan a self-sufficient policy chu engma, h a ni tawh lovang. Chuvang chuan, Pu Speaker, kan senso tur pawh 132 lakhs daih a ni a, kum khat atan. Tin, Revenue hmuh tur kha 60 lakhs expenditure 18.14 lakhs kumtin a ni ang a, Recurring expenditure kha. Hemi 60 lak tur kha keimahni pawisa tho tur a ni. Fawnlam atang-in ran an zuar ang a, keinin kan lei ang a. Khami pawisa atanga pek tur, chuvangin engtinge ram pawnah ran hralhin pawisa lakluh theih dan tur kan ngaihtuah ang ? Kan Sorkar hian policy thlak sela. A dan awm hrim hrim chu a tha, mahse, hei hi chu lung-run policy chu a ni lo a ni. Tunah ka bialah Pu Speaker, Veterinary Sub-Division a awm. Mahse, he Sorkar chung in building luah tur pawh a awm lo. Mipui in an luah a ni. Officer tumah hmuh tur pawh an awm lo. Quarter ah hmuh tur tumah an awm lo. Public in an luah a ni. Ram chhungah ran hriselna ngaihtuah lovin pawnlam ah kan ngaihtuah ang maw ? Kan awmdan hi a dik tawh lo a ni Pu Speaker, chuvang chuan check gate chu a awm a tha mahse, restrict a awm a tha chu chu ka sawi duh a ni ka lawm e.

PU LALHMINGTHANGA

: Pu Speaker, tawite han sawi ve ka duh a. Hemi bill rawn siam hi a tha em em a, keini lam pawhin tha kan ti a. Fass mai

pawh hunte a hek a, tha kan ti a, sawi tam vek tur pawh a awm lova. Amaherawhchu, thil thenkhat kan sawilan duh chu hetilai Financial Development an Estimate ang hi chu a realistic lo mai awm mang e aw tihna lai deuh hlek ka nei a. Hemi check gate han siam tum dan a hi laboratory te. nen a dionastic Centre ang deuh hlek a siam kha a ngai dawn a. Hemi Plan and Estimate ang hi chuanin kumtina a recurring expenditure tur 18.14 lakhs anga han dah leh a initial stage a tam deuh hlek a, a hnu lamah chuan tla tla tura han sawi hi a fuh chiah lo mai thei a ni. A chhan chu a Staff han en hian hemi hi chu a tlem sa mai a. Tin, laboratory han ti tur kha chuan a duh tam viau dawn a. Helai tak a hi nakinah han tih chhoh a ni ang a. Financial Memorandum te chu binding a ni chuang lo a, a Act ah a tel chuang lova, endan mai kha a ni a. Mahse, a point a hi kan tih tam lutuk chuan khalai ah khan expenditure heavy deuh mai hi kan neih phah si ang a, Sai var chawm ang deuh hlek hi a chhuak leh ang tih kha a hlauhawm hle mai a. Helai tak hi kan Sorkar hian fimkhur nan hmang ta sela, chuti anih loh chuan point sawma han tih pawh kha laboratory tenena han din vek chuan khata a thawk tu te khan laboratory technician kan mamawh a, a Doctor-in en zel theih a ni lova an la rawn ti ang a, thil tha tak kan tih lai hian a lehlamah chuan pawisa a harsatna min siam chhuah saktu anih ve theihna lai riau hi a awm a, mihringah hian chak lohna a tam a, dan hi chu a tha mai thin a ni. Amaherawhchu, dan a that reng lai hian a lehlamah khami ngaihtuah chak em em thin a, a tua te pawh hian, mahni chance a lo nih chuan check gate a Doctor pakhat leh Muster Roll te nena han awma certificate eng engemaw a natna diagnose han ti tur kha chuan a harsa deuh mai thei a. Chuvangin hei hian pawisa a ei vak lohna turin thil ngaihtuah nisela, tih kha kan sawi ve duh lai chu a ni mai a. Heng thil hi kan

mamawh em em mai a. Entirnan, kan zu khap te pawh hi Under-ground a harsatna tam tek kan sawk tho mai a, a implementing agency hi hetah pawh hian point tlem zawk deuh leh famkim deuh zawka kan tih theih chuan tihpun zel ai khan check point hi mumal zawk leh tlem zawka kan dah theih chuan thil tha a nih zawk a rinawm a. Chu chu kan han sawi duh a, pass hi chu tha kan ti khawp mai.

Er.K.THANGZUALLA  
MINISTER

: Pu Speaker, point pakhat chauh hei he bill hi han chhiar han chhiar hian tha hlein ka hria a, amaherawhchu, point pakhat

ka han sawi chhuah duh chu phek 5-na Section 6(1) te kha soundness certificate form C-a an han issue hian a ran lamah khan chhinchhiaha a awm si loh chuan khami certificate hmang khan ran hrisel lo pawh kha a rawn khalhtute pawh khan khalh luh theihna chance a awm awm mang e aw a tih theih a. Hei hi rule lamah nakina tihchianna la awm dawn nge tih erawh chu ka hre lova, heti lai te hi tih chian a tul awm mang e aw tih kha ka'n sawi duh a, chuti tih lohah chuanin he Bill hi pass ngei thain kei pawh ka rawn rawt e.

FU C.LALRINSANGA  
MINISTER

: Pu Speaker, hei point hnih lek han tih rik ve ka duh a. Vawinnia kan Bill ngaihtuah hi ka veina a rei tawh khawp mai

a. Budget Session kan neih hmasak ber tum pawh khan ka sawi chiam tawh a. Vawinniah a taka ngaihtuah theia Bill lo piang chho ta mai pawh hi lawmawm ka ti a. Ka point han sawi duh a chu Member te khan kan han sawi hlawm a, Ran lakluh khuahkhirhna hawi zawng ang ngau ngau khan kan ngaihtuahna awmin ka hria a. Amaherawhchu, he Bill hian a tum a chu a lakluh lam piah lamah a ram neitu ina kan Ran vulh tharchhuah thawnchhuah dan kan neih theihna tur atana hmanraw pawimawh tak a nih laia kha kan hriat chian tuln ka hria. Kan han sawina engah khan ran hrisel lo kan ei avanga harsatna Mizoram mipuite pawh ina kan tawh chhoh mekna thu te pawh kan sawi a, a dikna chen pawh a awm a. Tunah hian Mizoram hian vanneihna kan neih kawng khat awm a chu kan ram climate a tha a, khawvel ina a ngaih pawimawh em em "Disease Free Land" tih a hi an thlir te zinga pawimawh tak, ran vulh lama sum-dawna atan pawha an ngaih pawimawh a ni thin a.

Chutiang atan chuan kan ram hi natna laka fihlim ramah kan siam thei a ni. Chumi siam tur chuan tunma hun atanga kan Fi leh Pu chhanah ran hrisel lohna hi kan hre tam vak ngai lova. Hun a lo kai a, kan chheh-vel atanga kan lakluh te pawh a ni ang. Tiang chuan ran hrisello in min kaihhnawih chho mek a. Disease Free Land (natna laka ram him) kan nih theihna lai ngaihtuahna thuk tak neia he bill pawh hi buatsaih niah ka ngai a. Hei tunah phei chuan kan Chief Minister thahnem ngaihna in kan ramah Agriculture Department atangin Vaimim te, Bekang te nasa leh zuala tihpun tum a ni a. Tin, chumi rual chuan hei kan Vety

Department lam atangin ran chaw siamna khawl te pawh bun chhoh tumna a awm mek a. Hemi ran lakluh leh helaiã ran kan mulh pun chhohna tur hi thui tak in kaihnawhna a nei a ni tih hre chung a he bill pawh hi ruahman a ni tih kha kan hriat ka duh a. Ran lakluh ngau ngau ringawt mai hawi zawnga member thenkhat ten a reproduction zawng a thawn chhuak zawng ni lova, a lakluh zawng ngau ngau ringawt mai ngaihtuah anga he bill buatsaih anga kan ngai kha a dik chiah pawhin ka hre lova. Tiang chuan helaiã hian Sorkar-in ngaihtuahna thuk tak nein ruahmanna a nei a ni tih kha ka han sawi lang duh a.

Tin, hemi a Department lam atanga engemaw harsatna awm thei tur Hnahthial bialtu zah-awm takin a rawn tarlan kha, he Chapter 6-na Section 11-na "Control of the Department Officer and Staff" tih ah khan chiang viauin ka hria a. Dan hi hetia han siam mai hian kimlo te pawh tam tak awm thei a ni a. Helai han thlir hian Sub-No. A.B.C. & D thleng hian hemi "Control of the Departmental Officers and Staff" tih hnuaiah hian ruahmanna siam a ni a. Hei hian engemaw chen chu a funkim khat viauin ka hria a. Duhthu a sam tawk lo anih pawhin la ennawn leh theih turah ngai ta ila. A department lamin a tih ang ang vai zawm mai thei tur zawng ngaihna kan nei kha helaiã hian a veng a ni tih lai kha kan tarlang tel duh a ni. Ka lawm e.

S P E A K E R

: Kan sawi tam khat ta viau a, member te thusawi dan pawh a in ang khat viau mai a. Helaiã Financial Memorandum a hmun 8

a rawn tarlan chungchang te kha engemaw chanah khatiang ang a thil han tih dawn khan huap zo tawk lo ang tihna te pawh kha a awm a. Member te ngaih pawimawh sawi vel kha hrihfiah nise, Bill neitu Pu Rinchhana Minister in-charge Vety Department-in.

Tin, khalai kha Financial Memorandum a ni a, a bill in a tum ber chu tha taka ran thiãng-hlim mipui ten an ei theih dan tur a ni ber a, lehlamah chuan kan Bill hian kan vaiin min ti lawm a, khatih rual khan a thawh tak tak dan tur kha chu tam tak a awm a, entirnan, ka bial lam kha chu in sezawl chhuah der mai a, hemi zia ang chuan kal dawn ila, tiang ang khan khawilai ah nge a cover theih ang tih point kha chu a rawn sawifiah turah ngai ila.

Tunah Pu Rinchhana i sawm ila, Pass dil nghal turin.

PU LALRINCHHANA MINISTER

: Pu Speaker, vawin chawhnu kan bill ngaihtuah chu a hlimthlak hlein ka hria a. A thlawp zawng veka thusawi a ni a.

Lawmawm ka ti takzet a. Tin, a tira niching ka sawi ang khan ran hrisel kan neiha. Sa hrisel kan ei theihna tur han tih rual rual khan Mizoramah ran kan vulh pun tiharsatu bul chu ran hrisel lohna a ni a. Ranpul hri avang-in arte phei chu mahni ina vulh tute hian an vulh pung tak tak theilo a ni a-Chuvangin Mizoramah ran hrisel taka kan en-kawl chuanin Mizoramah hian production tam zawk kan neih theihna tur kawng kan in hawna tur a ni tih kha kan hriat a pawimawhin ka hria a. A hmasa berin a check post chung chang thuah tuna rawn tarlana kha tun huna heng pawimawhna hmun, Doctor pawh post kan neihna hmun lai kha hmun riat a rawn tarlang mai a ni rih a. He dan hi kan kenkawh belh zel tur a ni dawn a ni.

Tin, he dan hian Mizoram hmun tinah harsatna nei lova tha taka an rawn kal theihna tura permission pekna tur a nih avangin ran rawn tawhluttute hianin rehbosan ain helaiia rawn in report thuai hi an tum tura kan ngai a. Khata an lo chhinchhiaha, an lo check a, an chhinchhiaha tawh chuan certificate an pe ang a, a bawng an ranah khan chhinchhiaha an chhu nghal bawk ang a. Tikhan khatiang anih tawh kha chuanin Officer in a certify tawh a nih avangin him takin khawi hmunah pawh an kal thei dawn a, chumi chu an thlahlel zawk dawn a, ran rawn tawlh tute zing ah hianin an ran zingah ran hrisel lo a lo awm palh thei a, chumi check chhuah a a hrisel erawh chu kan duhpui lova, a hrisela te chauh zalen tak a an rawn kalluhpuina tur a ruahmanna a ni a. Chuvang chuan ran rawn tawhlut tute pawh hianin hei hi anihna dik tak an hriat hunah chuan in reh-ruk ahmekin an hnen atanga certificate lak kha an thlahlel zawkin kan ring nghe nghe a ni.

Tin, helai check post a action latu kan Officer te hi natna chungchangah reng renghi chuan Vety an ni emaw Medical Doctor an ni emaw thutiam nei an ni a. Chuvangin natna thuah hi chuan dawt sawi lo tura thutiam an ni. Mi nunna emaw ran nunna emaw atana pawl tur emaw dik lova puhna tur kha chu diklo a thilti lo tura thutiam nei an ni. Doctor te hi. Chumi kalhmang kalha thil an tih chuan Departmental proceeding pawhin a rang thei ang bera an chungah action lak nghal tur a ni. Chu chu anih avangin hriselna hrim hrim thu anih avangin helaiia hian kan Doctor duty te hi rin ngam tur ah kan ngai a. Tin, heng check post ah hianin Doctor pahnih/pakhat lek dahna chi a ni lo.

A huhovin Bawngruah te, Vawk rual te engemaw zat an rawn la lut thin a ni a. Chuvang chuan mi engemaw zah kan rawn la lut thin a ni a. Chuvang chuan mi engemaw zat he check post ah hian awm ngei ngei a ngai a ni. Khang check fel tur khan. Chuvang chuan khang hovin a thil an tihnaah kha chuan rin ngam turin kan Officer te hi an awm turah ngai ila, chutiang a lo awm lo chu hetah Director lam atangin Departmental atangin an chungah action lak nghal tur a ni dawn a ni. Tin, Director thuneiha tur a rawn tarlan in rawn sawilai te a kha han sawi leh ila, kan buaipui leh kan detail a awmna tur kan buatsaih a kha ran damlo a ni. Chu ran damlo midang hnena a kaichhawntir lohna tur leh enkawl a awmna tur ruahmanna kha chu an ni

Director te hi Doctor thilah leh ran damlo enkawl na kawnga expert an nih avangin Director in a a lo enkawl pui kha, a lo ruahmanpui kha tha ber turah ngaih anih avanga khati zawnga buatsaih kha a ni tih kan hriat a pawimawh a. Kan tihah hianin hetiang zawng hi chu a hrisel lo ho kha a ni, damlo enkawl ngai ho zawk kha. Chumi buaipuina tur chu a nih avangin helaiah chuan Director kuta han tih mai, Director mawhpurhna a han dah mai hi a awm tawk a ngaih a ni a.

Tin, a lakluhna chungchangah Mizoram chhunga ran lakluh hi hemi a lakluh leh a thawnchhuah a hrim hrim hi chu AH & Vety mawh a ni lem lo a ni. Administration leh Trade and Commerce mawh a ni zawk a, hei hi chu. An rawn lakluh hrim hrim a erawhchu, hrisello chuan ram chhungah hian rawn kal zelin kan ei tur in rawn lalut lo rawhse, chumi venna atan zawk chuanin Doctor an nih nain an hriselna emaw a hrisel lohna emaw lo en sela, a hrisel lo chu rawn kaltlang lo rawhse, detained tur a ni. A detained na hmunah khan an enkawl dam theih leh an enkawl dam ang a, a nih loh vek leh thawnkir lehin anmahni ram lamah enkawl let sela. Tichuan a hrisel a te chu a hriselna certified sela, tichuan kal tlangtir rawhse, tihna a ni, hei hian a tum bera chu. Chuvangin ran rampawn atanga lakluh leh lakluh loh chungchangah chuanin a mawhpurhu, hemi dan han siam a, Vety in a kengkawh tur ang zawng ngaihtuahna kha chu kan hmang bak lo. A lakluh rau rau zingah a hrisel lo te kha erawh kha chu lo detained zel a, ran hrisello lakluh tur kha lo dan chahna turin he dan hi buatsaih a ni tih kha kan tarlang duh bawka a.

Tin ram chhunga mi kan ran vulh te hi hrisela an awm theihna tur hian AH & Vety Department hian a tum bulpui ber leh a hnapui ber pakhat a ni. A dam lo tih dam a, a dam lo tur ven hi a hnapui ber pakhat a ni. Hei anih avangin ram chhunga ran hrisel lo chu an enkawl ang a, an enkawl dam ang. Enkawldam theih loh chu tih ral dan pawh ngaihtuah a ni ang.

Tin, a sa hrisel leh sel loh chungchang thuah chuan tunhma zawng khan Slaughter House hi LAD kutah a awm a. AH & Vety in hmasva lak ram loh dan kha a awm tlat mai a ni. Mahse, LAD lamah harsatna a awm deuha hriatna avangin Ah & Vety kuta awm chi a ngaih a nih avangin tum Ministry hian Ah & Vety kutah he Slaughter House hi a dah ta a.

Tum danah chuan heng Aizawl khawpuiah te pawh Slaughter House kan siam ang a, Bawng, Vawk, Kel etc. reng reng chu Slaughter House ah an va talh ang. Hetah hian a hrisel leh sel loh an lo certify vek ang. A hrisel zawng kha certificate pein hralh turin an kalchhuah pui ang. Hetiang hi tuna kalpui tum dan a ni. Chutiang chuan khawpuiah hian kan kalpui ang. Hmasawn dan a zirin thing-tlangah pawh Doctor te leh VFA awmna hrang hrangah ran an talh dawnin an ran hrisel leh sel loh Doctorte khan an certify zel ang. Ran hrisel chauh zuar turin hmalak chhoh tum

a ni a. Chuvangin Slaughter House buatsaih nan sum pawh bul kan tan mek a. Kan Plan sum thar lehah chuan tam zawk kan tum ang. Peace Bonus atangin tam zawk tih a, hei hi siam chhoh thuai kan tum a. Chumi chu hma kan lakna a ni a. Tichuan, ran rawn lak reng reng kha a identification engkim mai record vek leh kha ranah pawh khan mark chhut vek anih dawn avangin a certificate kha ram dangah a hman theih tlat loh. Hei atawpah hianin kan tarlan vek hi. Chuvang chuan a ran a kha a tihral tawh chuan kha certificate kha ramdang atan a hman theih tawh loh. Chutiang ang chu tuna kalpui dan hi a ni a.

Tin, check-gate tam zawk han siam hi a harsa dawn a. Tichuan check-gate an rawn pumpelh dawn pawhin ran hrisel lo an rawn tawh hluh dawn pawhin hetah AH & Vety awma hmun hrang hrangah khanin ran rawn lut kha a khat tawkin an lo check ve zel dawn a ni. Chhinchhiaha mark nello reng reng kha chu an man nghal zel ang a, khatiang ang khanin an enfiiah leh hma chuan an chhuah tawh. lovang. Khatiang zawng khan kan kalpui ang a.

Tin, nakinah chuan Administration lampang te pawh tangrualin ramdang atanga ran lakluh reng reng Vety-in a verified loh reng reng chu man thiang ti zawng pawn Administration chuan a tul angin an la keng kawh ang a. Chung chu Administrator te nen a la sawiho zui chi anih a rinawma. Amaherawhchu, tunah hian a bul kan tan dawn a. He dan hi han tifel phawt mai ila, a rules te pawh kan han siam zui ang a, tichuan hemi practice tur hian hma kan han la ang a, tichuan ran hrisel kan neihna tur kawngka hi a rawn in hawng chho dawnah kan ngai a ni.

Awle, chu chu a tlangpui thuin kan hotuten in rawn sawi hrang hrang kha niin a lang a. Bill reng reng hi a tirah a famkim thei lova. Tunah pawh kan han practise chiah ang a, harsatna a lo awm mai thei a. Chung chu a tul angin kan la en tha ang a. Amaherawhchu, thil pakhat chauh Financial Memorandum chungchang kha in rawn sawi viauva. A tir han dinnaah hianin Non-Recurring expenditure tur nuaih 114 an han ti a. Tichuan recurring expenditure tur chu nuaih 18.14,000/- tikhan an han ti chhova. Hei hi a tirah chuan tam viau mah sela, kum tina an lakluh chhoh zel dan tur, tun lut anga han chhiar chuanin, kum tina lakluh dan tur han thlir hianin hetah hianin a hek lam aiin ran hrisel kan neih bakah pawh Revenue engemaw chen chu kan hmuh pah dawn niin a lang a. Tunah han chhutna base-ah hi chuanin han chhut mai maina chhinah chuan Bawng puitlingah hian khatiang anga kan certify a, hresela kan certify ho kha chu examna fee Rs. 100/- kan la ang a, Vawk leh Bawng te lamah chuan Rs. 50/- emaw kan la ang a, khatiang zel khan Ar ah chuan Rs.10/- emaw khatiang vela, tuna han hisap na a ni ber a ni. Chutiang hmanga han thlir chuanin kum 1/- a kan sum lakluh dan tur han thlir hianin a thahnem tham viau dawn in hriata ni a. Chuvang chuan tun ang kalphungah chuanin he hna kan thawhnaah hianin Sorkar a hlawklo lam aiin, Sorkarin Revenue kan neih pahna turah ka ngai a ni. Awle, Pu Speaker, hetiang anga kan Bill rawn putluh "The Mizoram Regulation of Animal Movement Bill, 2000 hi he House hian lawm taka min pass pui turin ka rawn ngen e.



S P E A K E R

: Awle, tunah chuan kan sawi zo ta a. Fass remti apiangin 'Remti' ti rawh u. Remti lo apiangin 'Remti lo' ti rawh u.

"The Mizoram Regulation of Animal Movement Bill, 2000 chu he House hian lungrual tak in kan pass e.

Tunah chuan kan Bill ngaihtuah chu kan zo tawh a. Nimahsela, kan Session chungchang thu hi han puan ka duh a, ni hnih chung chauh October, 9 +10, 2000 a awh a, kan Session chhunga kan hnathawh kan thiltih dan, tak te kha a tlangpuin hetiang hian han sawi ta ila. Starred Question hmuh zat kha 60 a ni a. Reject 6 a ni a. Admit zat 54 a ni a. Zawnha intawm theih zat kha kha chu a awm lova. Unstarred Question a leh zat 14, List of Business a tarchhuah zat 40. House chhunga chhan nghal zat 8, House chhunga zawh hman loh leh chhan hman loh zat 32, chhanna lo thleng lo zat, hei hi chu a lo thleng kim a ni. Unstarred Question hmuh zat 18, Rejected zat 1, Admitted zat 17, Starred Question atanga leh zat 14, chhanna hmuh zat 31, chhanna lo thleng lo zat a ti a, hei pawh hi lo thlengkim a ni. Thlengkim dawnloin kan hria a, kan mangang viau a, mahse an rawn ngai pawimawh takzet a, a lawmawm hle a ni. Hei hi Session apianga kan problem a ni a, Department in kan MLA te zawnha an ngai pawimawh tawklo a kan hriat thin a kha tun kumah erawh hi chuan an lo ngai pawimawh ta a, a lawmawm khawp mai

Government Bill awmsa Session hmasa ami tiamin Bill 3 neih a ni a, chungte chu Fu Zoramthanga Chief Minister in "The Mizoram Appropriation No. 4 Bill, 2000, consolidated Fund of the State of Mizoram for the Financial Year of 1993-94, 1994-95, 1995-96, 1996-97, 1997-98 a rawn putluh chu House in a pass ta a. Fu Lalrinchhan, Minister in "The Mizoram Tenancy and Government Land Settlement Bill, 2000 a rawn putluh chu House-in Select Committee-ah enzui turin a dah rih a. "The Mizoram Regulation of Animal Movement Bill, 2000", Fu Lalrinchhana AH & Vety Department, Mizoram, Aizawl putluh chu pass a ni.

Laying of Papers 1) "The Mizoram State Lottery Rules 2000" leh "The Mizoram Exhibition of Film on T.V. Screen through Video Cassette Player's Rules, 2000" te chu Fu Zoramthanga Chief Minister-in House Table-ah a lay a, Pahnihna, "The Mizoram Legislative Assembly (Grants of Loans and Advance to Members) Rules, 2000" House Table ah Fu F.Malsawma'n a lay a. Second Reports of the Rules Committee pawh a lay bawk a. Statement of Action Taken on 27th Report of the FAC 2000 chu House Table-ah a lay bawk a. Official Statutory Resolution Fu Tawnluia'n Implementation of the Provisions of the Transplantation of Human Organs Act. 1994 in the State of Mizoram chu House a a pharh chu pass a ni.

Tluang taka Session kan zawh theih avang leh Member ten taima takin tan in la a, in za a chungah lawmthu ka sawi a ni. Tin, Veterinary Department in thingpui ruai min rawn siamsak dawn a. Dar li chu a la ni chiah lo na a, hei hi in sak ila. Deputy Speaker kha tun Session chhungin hlawhtling takin kan thlang bawk a ni. Tichuan, Vety hovin thingpui min buatsaih sak a. Chu chu kan tin hnuah in hram kan tum dawn nia. Awle, Session leh hma chu -

The House is adjourned sine-die

Meeting adjourned sine-die 3:35

T. SAIKUNGA  
Secretary.

..